



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

IZVJEŠTAJ
O REZULTATIMA JAVNE RASPRAVE
O NACRTU BUDŽETA GRADA SARAJEVA ZA 2024. GODINU

Sarajevo, decembar 2023. godine

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



SADRŽAJ

I	DOSTAVLJENE PRIMJEDBE, PRIJEDLOZI, SUGESTIJE I MIŠLJENJA POLITIČKIH STRANAKA:	3
	1. Klub vijećnika_ ca Naše stranke u Gradskom vijeću Grada Sarajeva	3
	2. Prijedlog kluba SDP	5
II	DOSTAVLJENE PRIMJEDBE, PRIJEDLOZI, SUGESTIJE I MIŠLJENJA GRADSKIH VIJEĆNIKA:	6
	1. Jasmin Ademović	6
	2. Grupa gradskih vijećnika (Said Škaljić, Danijela Šahat, Enisa Spahić, Samir Bejić, Željko Majstorović, Jasmin Skorupan)	10
	3. Gradska vijećnica Lajla Čosović	14
	4. Gradska vijećnica Alma Čengić	15
	5. Gradski vijećnik Toni Vukadin	15
III	DOSTAVLJENE PRIMJEDBE, PRIJEDLOZI, SUGESTIJE I MIŠLJENJA GRADSKIH SLUŽBI:	17
	1. GRADSKA SLUŽBA ZA LOKALNU SAMOUPRAVU	17
	2. GRADSKA SLUŽBA ZA LOKALNO POSLOVANJE	18
	3. GRADSKA SLUŽBA ZA OBRAZOVANJE, SPORT, KULTURU I MLADE	21
	4. INFORMATIVNI CENTAR SARAJEVO	21
	5. GRADSKA SLUŽBA ZA OPĆU UPRAVU I ZAJEDNIČKE POSLOVE	22
	6. STRUČNA SLUŽBA ZA POSLOVE KABINETA I POSLOVE GRADSKE UPRAVE	22
IV	DOSTAVLJENE PRIMJEDBE, PRIJEDLOZI, SUGESTIJE I MIŠLJENJA OSTALIH SUBJEKATA	22
	1. Olimpijski bazen Otoka	22
	2. Vijeće roditelja Javne ustanove „Djeca Sarajeva“ Sarajevo	29
	3. Javna ustanova OŠ „Malta“ Vijeće roditelja	30
V	OČITOVANJE GRADSKE SLUŽBE FINANSIJA NA NACRT BUDŽETA GRADA SARAJEVA ZA 2024. GODINU	30
VI	IZVOD IZ STENOGRAMA SJEDNICE GRADSKOG VIJEĆA GRADA	32

Gradsko vijeće Grada Sarajeva na sjednici održanoj 29.11.2023. godine utvrdila je Nacrt Budžeta Grada Sarajeva i Nacrt Odluke o izvršavanju Budžeta za 2024. godinu i odredila rok do 11.12.2023. za javnu raspravu. U toku javne rasprave dostavljene su primjedbe, prijedlozi, sugestije i mišljenja na Nacrt Budžeta Grada Sarajeva za 2024. godinu, koje je razmatrala Gradonačelnica Grada Sarajeva, i zauzela stavove kako slijedi:

I DOSTAVLJENE PRIMJEDBE, PRIJEDLOZI, SUGESTIJE I MIŠLJENJA POLITIČKIH STRANAKA:

1. Klub vijećnika_ ca Naše stranke u Gradskom vijeću Grada Sarajeva

Na osnovu člana 67. Statuta Grada Sarajeva i člana 114. Poslovnika o radu Gradskog vijeća Grada Sarajeva dostavljamo prijedloge na Nacrt Budžeta Grada Sarajeva za 2024. godinu:

Prijedlog 1.

Planirati 150.000 KM za pripreme radove na izgradnji Muzeja savremene umjetnosti Ars Aevi.

Prijedlog 2.

Planirati ukupno 500.000 KM za izradu glavnog projekta obnove i rekonstrukcije, pripreme i redovne radove na rekonstrukciji Astronomske opservatorije Sarajevo.

Prijedlog 3.

Planirati 50.000 KM za organizaciju dodjele nagrade Slovo Makovo i nagradni fond.

Prijedlog 4.

Planirati 60.000 KM (mjesto trenutnih 50.000 KM) za Nagrade za ostvarene vrhunske sportske rezultate (pojedinačne/ klupske);

Prijedlog 5.

Planirati 50.000 KM za podršku učenicama i učenicima koji ostvaruju vrhunske rezultate na takmičenjima iz oblasti umjetnosti, nauke i inovatorstva.

Prijedlog 6.

Planirati 50.000 KM za drugu fazu uređenja centralnog dijela botaničke bašte Zemaljskog muzeja (šetnica, rasvjeta, drenaža i kaptaze za skupljanje kišnice).

Prijedlog 7.

Planirati 10.000 KM za sufinansiranje organizacije bosanskohercegovačke Povorke ponosa u Sarajevu 2023. godine.

Prijedlog 8.

Planirati 50.000 KM za sufinansiranje izgradnje skate-parka na prostoru Općine Novi Grad Sarajevo.

Prijedlog 9.

Planirati 50.000 KM za obnovu postojećih javnih česmi koje su u nadležnosti Grada i izgradnja najmanje četiri nove u 2023. godini (šetalište Dobrinja, Otoka, Park Betanija i Dariva).

Prijedlog 10.

Budžet za 2024. godinu projektni prijedlog realizacije projekta „URBANI VRT“ i obnove mobilijara u vrtiću Košuta, iznos – 60.000 KM.

Prijedlog 11.

Planirati sredstava u Budžetu Grada Sarajeva 2024. u ukupnom iznosu od 200.000,00KM za humanitarnu pomoć civilnim žrtvama rata u Sudanu i Jemenu, agresije na Ukrajinu i afganistanskim izbjeglicama prisilno vraćenim iz Pakistana i Irana.

Prijedlog 12.

Planirati 15.000 KM za sufinansiranje obnove prostorije u JU KJU Gerontološki centar Sarajevo za potrebe izgradnje čitaonice.

Prijedlog 13.

Planirati 50.000 KM za potrebe konzervacije/restauracije spomenika Radojki Lakić – „Ženi borcu“ koji se nalazi unutar Memorijalnog kompleksa Vraca.

Prijedlog 14.

Planirati 80.000KM/40.000KM za finansiranje/sufinansiranje popravke stropa i krova Prve Bošnjačke Gimnazije.

Prijedlog 15.

Planirati 50.000 KM za sufinansiranje obnove biciklističke staze na potezu GRAS remiza – Centar Safet Zajko, Općina Novi Grad Sarajevo.

Stav predlagača:

Predloženi prijedlog koje je uputio Klub vijećnika_ca Naše stranke u Gradskom vijeću Grada Sarajeva,

- Izgradnja Muzeja savremene umjetnosti Ars Aevi.

nije moguće prihvatiti u ovom momentu obzirom da trenutno nije poznato da li je obezbijeđen prostor na kome bi se gradio navedeni muzej, da li je izrađena projektno tehnička dokumentacija i da li je pribavljena potrebna urbanističko tehnička dokumentacija. Također raspoloživa sredstava u Budžetu Grada Sarajeva za 2024. godinu nisu dovoljna da se ovaj važan projekat podrži u traženom iznosu. Obzirom na navedeno ako se steknu uslovi za gradnju muzeja sredstva će se pokušati obezbijediti kroz eventualni Rebalans budžeta ili preraspodjelu sredstava.

Predloženi prijedlog

- Organizacija dodjele nagrade Slovo Makovo i nagradni fond

se prihvata i realizovat će se sa pozicije „Primjena Odluke o utvrđivanju i načinu sufinansiranja kulturnih manifestacija od posebnog interesa za Grad Sarajevo“ u iznosu 10.000 KM.

Predloženi prijedlog

- Nagrade za ostvarene vrhunske sportske rezultate (Klupske/ Pojedinačne),

se prihvata kako je predložen i uvrstit će se u Prijedlog budžeta Grada Sarajeva za 2024. godinu. Naime pozicija je planirana Nacrtom Budžeta Grada Sarajeva u iznosu od 50.000 KM u Prijedlogu Budžeta Grada Sarajeva za 2024. godinu se povećava za dodatnih 10.000 KM, što ukupno iznosi 60.000 KM.

Predloženi prijedlog

- podršku učenicama i učenicima koji ostvaruju vrhunske rezultate na takmičenjima iz oblasti umjetnosti, nauke i inovatorstva.

se prihvata kako je predložen i uvrstiti će se u Prijedlog budžeta Grada Sarajeva za 2024. godinu, na način da će se planirati nova pozicija u Prijedlogu budžeta Grada Sarajeva pod nazivom „Nagrade za učenike srednjih škola za ostvarene rezultate na takmičenjima iz prethodne školske godine – javni poziv“

Predloženi prijedlog

- sufinansiranje obnove prostorije u KJU Gerontološki centar Sarajevo za potrebe izgradnje čitaonice.

se prihvata i uvrstit će se u Prijedlog budžeta Grada Sarajeva za 2024. godinu u iznosu 10.000 KM. na način da će se planirati nova pozicija u Prijedlogu budžeta Grada Sarajeva pod nazivom „KJU Gerontološki centar Sarajevo“

Predloženi prijedlozi koje je uputio Klub vijećnika_ ca Naše stranke u Gradskom vijeću Grada Sarajeva,

- Obnova postojećih javnih česmi koje su u nadležnosti Grada i izgradnja najmanje četiri nove u 2023. godini (šetalište Dobrinja, Otoka, Park Betanija i Dariva).
- Projekat „URBANI VRT“ i obnove mobilijara u vrtiću Košuta
- Konzervacije/restauracije spomenika Radojki Lakić – „Ženi borcu“ koji se nalazi unutar Memorijalnog kompleksa Vraca.
- Sufinansiranje obnove biciklističke staze na potezu GRAS remiza – Centar Safet Zajko, Općina Novi Grad Sarajevo.

će se realizovati sa budžetskih stavki koje su kroz Nacrt budžeta Grada Sarajeva za 2024 godinu planirane a koje su neke od njih u isto vrijeme i jedna od nadležnosti koje pripadaju Gradu Sarajevo. Za navedene prijedloge se neće planirati nove stavke i kao takve prihvatiti i prikazati u Prijedlogu budžeta Grada Sarajeva za 2024. godinu, već će se realizacija navedenih prijedloga izvršiti sa pozicija:

- Održavanje komunalnih objekata.
- Projekti obnove predškolskih i školskih objekata i infrastrukture
- Podizanje spomenika od značaja za grad Sarajevo
- Projektovanje, izgradnja i održavanje biciklističkih staza

te će se predloženi prijedlozi realizovati u okviru sredstava predviđenih za ove namjene. Razmotrit će se i mogućnost povećanja sredstava na navedenim pozicijama.

Ostali prijedlozi koji su predloženi ispred Kluba vijećnika_ ca Naše stranke u Gradskom vijeću Grada Sarajeva, iako su opravdani jer postoji realna potreba za istim, se ne mogu prihvatiti iz razloga što povećanje ukupno raspoloživih sredstava u Prijedlogu Budžeta Grada Sarajeva za 2024.godinu nije dovoljno da se prihvate svi prijedlozi i sugestije upućene u toku trajanja javne rasprave.

2. Prijedlog kluba SDP

Prijedlog 1.

Udruženje Ratnih vojnih invalida Općine Stari Grad 5.000 KM

Prijedlog 2.

Sredstva u iznosu 5.000 KM za stomatološku zaštitu djece starosti od 5 do 18 godina u sklopu JU Dom zdravlja Stari Grad Sarajevo.

Prijedlog 3.

Nabavka kreveta za Dom za zbrinjavanje osoba sa invaliditetom Nahorevo 30.000 KM

Prijedlog 4.

FK Mošćanica 10.000 KM

Stav predlagača:

Predloženi prijedlozi koje je uputio Klub SDP u Gradskom vijeću Grada Sarajeva,

- Udruženje Ratnih vojnih invalida Općine Stari Grad
- FK Mošćanica

će se realizovati sa budžetskih stavki koje su kroz Nacrt budžeta Grada Sarajeva za 2024 godinu planirane odnosno sa pozicija „Podrška udruženjima socijalnog i humanitarnog karaktera“ po uslovima iz javnog poziva i „Primjena Odluke o uslovima i postupku prihvatanja pokroviteljstva Grada Sarajeva“ a u skladu sa pravilnikom koji reguliše dodjelu sredstava sa navedenih pozicija.

Predloženi prijedlog koje je uputio Klub SDP u Gradskom vijeću Grada Sarajeva,

- Nabavka kreveta za Dom za zbrinjavanje osoba sa invaliditetom Nahorevo

se prihvata i uvrstit će se u Prijedlog budžeta Grada Sarajeva za 2024. godinu.

Ostali prijedlozi koji su predloženi ispred Kluba SDP u Gradskom vijeću Grada Sarajeva, iako su opravdani jer postoji realna potreba za istim, se ne mogu prihvatiti iz razloga što povećanje ukupno raspoloživih sredstava u Prijedlogu Budžeta Grada Sarajeva za 2024.godinu nije dovoljno da se prihvate svi prijedlozi i sugestije upućene u toku trajanja javne rasprave.

II DOSTAVLJENE PRIMJEDBE, PRIJEDLOZI, SUGESTIJE I MIŠLJENJA GRADSKIH VIJEĆNIKA:

1. Jasmin Ademović

U skladu sa Zaključkom Gradskog vijeća Grada Sarajeva, broj 01-GV-1828/23 od 29.11.2023. godine, kojim je Gradsko vijeće Grada Sarajeva uputilo Nacrt Budžeta Grada Sarajeva za 2023. godinu u javnu raspravu, u funkciji gradskog vijećnika, upućujem, u određenom roku, ovo mišljenje s prijedlozima koji slijede.

1. Predlaže se da se za podršku organizaciji i realizaciji dijela Programa obilježavanja ZOI 84. u Sarajevu u Budžetu Grada Sarajeva za 2024. godinu planira iznos od 200.000 KM iz kojeg će se finansirati organizacija segmenata koji budu sadržani u konačnom programu ZOI 84. , a koji se sada ne mogu predvidjet, promocija projekta i protokolarne aktivnosti.

Budući da se očekuje veliki broj domaćih i stranih gostiju, uspješnih sportista, predstavnika međunarodnog i nacionalnih komiteta, predstavnika međunarodnih i nacionalnih saveza zimskih sportova, predstavnika olimpijskih gradova i bratskih i prijateljskih gradova, predstavnika domaćih i međunarodnih medija javnog informisanja i drugih zvanica, gostiju i publike na sportskim i kulturnim događajima, potrebno je obezbjediti i odgovarajuće protokolarne aktivnosti i odgovarajući vid promocije manifestacije.

2. Predlaže se da se za sufinansiranje obilježavanja 40 godina od početka rada Doma BHRT (tada Doma RTV SA) u Budžetu Grada Sarajeva za 2024. godinu planira iznos od 100.000 KM

Obrazloženje:

Sljedeće 2024. godine, Javni servis BHRT obilježava 40 godina od početka rada Doma BHRT (tada Doma RTV SA). Izgradnja ove zgrade je ranije planirana, ali je povod za njezinu ubranu izgradnju i opremanje tada najsavremenijom opremom, bilo održavanja ZOI 84 1984 u Sarajevu. Dom RTV SA je pred početak Zimskih olimpijskih igara 1984, godine, stavljen u funkciju postao dom ne samo RTV SA, već medijskim kućama iz cijelog svijeta koje su pratile i izvještavale o održavanju ZOI 84 u Sarajevu.

U okviru programa obilježavanja ove značajne godišnjice BHRT, imajući u vidu povod izgradnje, opremanja i stavljanja u funkciju Doma baš te 1984. godine, BHRT će medijski ispratiti sadržaje Programa obilježavanja 40. godišnjice ZOI 84. u Sarajevu.

Historijat elektronskih medija u Bosni i Hercegovini započeo je 10. aprila 1945. kada je Radio Sarajevo emitirao svoju prvu emisiju. Prva televizijska emisija iz studija TV Sarajevo emitirana je 1961. godine. U tom periodu, RTV Sarajevo je bila ravnopravna članica Jugoslavenske radiotelevizije (JRT). U oktobru 1991. godine, RTV Sarajevo je transformirana u RTV BiH, kao javno preduzeće koje je nastavilo s radom u Domu RTV Sa. Nakon raspada Jugoslavije, RTV BiH izlazi iz JRT-a, a od 1. januara 1993. postaje aktivna članica EBU-a. U oktobru 2000. godine, drugom odlukom visokog predstavnika u BiH, stvoreni su zakonski okviri za uspostavu Sistema javnog emitiranja u BiH i uspostavu Javnog servisa BiH. Na samostalnoj frekvenciji, BHT 1 sa cjelodnevnom programom emitira se od ljeta 2004. godine.

3. Predlaže se da se za podršku projektima JU Narodno pozorište u Sarajevu u Budžetu Grada Sarajeva za 2024. godinu planira iznos od 50.000 KM

Obrazloženje:

Narodno pozorište u Sarajevu je jedan od simbola kulturno- umjetničke scene grada Sarajeva i grada Sarajev i Bosne i Hercegovine uopće.

Kako navode historičari, svečani čin otvaranja Narodnog pozorišta u Sarajevu, tada Narodnog pozorišta za Zapadne oblasti, započeo je 22.10.1921. i trajao je tri dana uz mnogobrojnu publiku i zvanike. Tadašnji načelnik Umjetničkog odjeljenja Ministarstva prosvjete u Beogradu, Branislav Nušić održao je pozdravni govor koji je dočekan sa „burnim oduševljenjem“ a zatim su izvođeni muzička-scenski programi. Sljedećih dana izvedene su i prve predstave – Nušićeva Protekcija 23.10.1921. godine i Moliereov Uobraženi bolesnik 24.10.1921. Prva predstava Sarajevske opere bila je Prodana nevjesta 9.11. 1946. godine, a Sarajevski balet svoju prvu samostalnu predstavu Žetva izvodi 25.05. 1950. godine. Od 1996. godine pozorište počinje djelovati kao Javna ustanova Narodno pozorište Sarajevo.

U svoje 103. godine postojanja Narodno pozorište je prolazilo i kroz teške historijske periode zajedno sa gradom Sarajevom. Dugotrajan je bio put i razvoj glavne pozorišne kuće u Bosni i Hercegovini, čiji rad nije prestajao ni u najtežim ratnim vremenima. Osim tri umjetnička ansambla, ogroman broj domaćih i stranih gostujućih umjetnika, kao i svi uposlenici ove kuće, stvarali su, a stvaraju i danas historiju Narodnog pozorišta. Učestvujući u razvoju domaće dramske književnosti i stalnim izgrađivanjem dramskog, opernog i baletnog repertoara, otvaranjem vrata gostujućim umjetnicima, velikim brojem uspješnih gostovanja i nagrada, Pozorište je dala neprocjenjiv doprinos razvoju kulture grada i države Bosne i Hercegovine. Narodno pozorište tijesno, kontinuirano saraduje i sa Sarajevskom filharmonijom kroz izvedbu brojnih muzička scenskih djela, ali i ustupajući svoj prostor za koncerte filharmonije.

Sarajevska filharmonija prvi je profesionalno organizovan simfonijski orkestar na području BiH. Od 1923. godine, dakle već 100 godina, postojanje ovog filharmonijskog orkestra u BiH predstavlja jedan od stubova muzičke kulture i instituciju muziciranja od fundamentalnog značaja za sarajevsku i bosanskohercegovačku sredinu. Brojeći decenije djelovanja u sredini gdje se društvena dešavanja nemilosrdno odražavaju na kulturne prilike, Filharmonija je uspjela opstati.

O značaju Sarajevske kulturne scene na tlu bivše Jugoslavije i šire, u godini održavanja ZOI 84 govori o spektaklu na Dubrovačkim ljetnim igrima Carmina Burana od Cari Orffa koji nikada više nije viđen u historiji igara u kojem je u ljeto 1984. godine učestvovala Sarajevska filharmonija među 120 muzičara, hor sa oko 120 pjevača, solisti, balet sa oko 50 balerina i baletana i oko 60 osoba iz scenske i tehničke podrške.

S tim u vezi, u 2024. godini će u Narodnom pozorištu Baletni ansambl Narodnog pozorišta i Sarajevska filharmonija izvesti i baletnu premijeru „Bolero“, a što je uvršteno u Program obilježavanja 40. godina ZOI 84.

4. Predlaže se da se za sufinansiranje manifestacije Sarajevo Film Festival u Budžetu Grada Sarajeva za 2024. godinu planira iznos od 200.000 KM

Obrazloženje:

Sljedeće 2024. godine, Sarajevo Film Festival, manifestacija od interesa za Grad Sarajevo, obilježava 30. godišnjicu rada. Ova značajna godišnjica ne pokazuje samo dugogodišnji kontinuitet u radu nego, u ovom slučaju, i veliki rast kvalitete programa, sadržaja i organizacije festivala kroz godine. Zato se u 2024. godini predlaže značajna finansijska podrška festivalu kako bi se 30 godina festivala obilježena na način koji mu i dolikuje, te kako bi festival i dalje bio vidljiv ambasador i istaknut brend Grada Sarajeva kako u regiji, tako u Evropi i cijelom svijetu.

Pred kraj četverogodišnje opsade Sarajeva, sa željom da se pomogne obnova civilnog društva, te tako održi kozmopolitski duh Grada, 1995. godine Obala Art Centar pokreće Sarajevo Film Festival. Dvije decenije kasnije, Sarajevo Film Festival je izrastao u međunarodni filmski festival sa posebnim fokusom na regiju Jugoistočne Evrope (Albanija, Armenija, Austrija, Azerbejdžan, Bosna i Hercegovina, Bugarska, Hrvatska, Kipar, Grčka, Gruzija, Mađarska, Kosovo, Makedonija, Malta, Moldavija, Crna Gora, Rumunija, Srbija, Slovenija, Turska, Ukrajina) zahvaljujući kojem filmovi, talenti i budući projekti iz regije dopijevaju u centar pažnje međunarodne filmske javnosti. Sarajevo Film Festival služi kao zajednička platforma za filmski biznis čitave regije, postavljajući visoke standarde u festivalskoj organizaciji, filmskoj promociji i prezentaciji u Jugoistočnoj Evropi.

Ono što je jako bitno istaći jeste činjenica da SFF gradu omogućuje priliv od 51,6 miliona KM i itekako pozitivno utiče na međunarodnu percepciju o Bosni i Hercegovini (studija iz 2019. godine). Enorman je utjecaj ovog festival na ekonomsku, turističku, kulturnu i društvenu sliku grada Sarajeva te je bez dileme, jedan od najvećih i najboljih svjetskih ambasadora Grada Sarajeva. Studija koja je prije par godina provedena od strane nezavisne konzultantske kuće Olsberg SPI, navodi da su anketirani SFF usporedili sa značajem ključnih događaja iz historije grada kao što su Zimske olimpijske igre održane u Sarajevu 1984. godine.

Posljednji Sarajevo Film Festival je na projekcijama i drugim događajima ugostio 130.000 gledalaca, a sam festival je otvorio novih 1200 radnih mjesta.

Udio institucija u ukupnom finansiranju Sarajevo Film Festivala je samo 18%. Kako je sa godinama rastao budžet ovog festivala, za očekivati je bilo i linearno povećanje institucionalnog udjela, jer je Sarajevo Film Festival značajan izvor poreskih prihoda za javni sektor: na svaku uloženu konvertibilnu marku iz javnih sredstava ostvaruje se povrat od 2,11 KM na ime poreskih prihoda.

Zato se predlaže izdvajanje od 200.000KM u 2024. godini iz Budžeta Grada Sarajeva za podršku ovoj manifestaciji od interesa za Grad Sarajevo.

5. Predlaže se da se za podršku realizaciji dijela Programa obilježavanja ZOI84. u Sarajevu koji se odvija u organizaciji Olimpijskog komiteta Bosne i Hercegovine, za podršku ovoj instituciji u Budžetu Grada Sarajeva za 2024. godinu planira iznos od 40.000 KM, a ne od 30.000 kako je u Nacrtu Budžeta Grada Sarajeva za 2024. godinu navedeno.

Obrazloženje:

Zimske olimpijske igre 1984. godine, svečano su *otvorene* 08. februara na Olimpijskom stadionu Koševo, a takmičenja su se odvijala od 07. Do 19 februara. U njima je učestvovalo 1272 takmičara iz 49 zemalja u 309 disciplina. Pratilo ih je 7825 akreditovanih novinara i 640.000 gledalaca. Na kraju i finansijski bilans pokazao je 12.000.000 dolara suficita, a predsjednik MOK-a Juan Antonio Samaranch ocijenio je Zoi 84 u Sarajevu do tada najbolje organizovanim igrama.

Uz sve teškoće kroz koje je Olimpijski komitet BiH prošao, od *svog* osnivanja 1992. godine i burno vrijeme u kome je nastao, angažovanjem *svog* rukovodstva i članova Izvršnog komiteta, Skupštine, neovisnih tijela, komisija i stručne službe, postao je kreator razvoja sporta u Bosni i Hercegovini, i tu ulogu odgovorno obavlja četiri decenije, dosljedno slijedeći principe Olimpijske povelje i načela Olimpizma. Danas se čuvanjem olimpijske baštine i stvaranjem novih vrijednosti otvaraju i novi

horizonti. Znanjem, stručnošću i elanom grade se i učvršćuju temelji sportske budućnosti. Projekt čija ideja se sada razvija u Olimpijskom komitetu BiH, a kojem podršku daje i Grad Sarajevo, organizacija je zimske olimpijade mladih, a zatim i novih zimskih olimpijskih igara u Sarajevu. Aktivnosti Olimpijskog komiteta BiH u pripremi i organizaciji 40. godišnjice ZOI su izuzetno značajne, posebno u dijelu komunikacije i promocije u MOK-u, nacionalnim olimpijskim komitetima i međunarodnim federacijama olimpijskih sportova te istaknutim sportistima osvajačima olimpijskih medalja.

6. Predlaže se da se za podršku organizaciji i realizaciji dijela Programa obilježavanja ZOI 84. u Sarajevu koji se odvija u prostorima, odnosno u organizaciji Javnog poduzeća KSC Skenderija, za podršku projektima ovoj instituciji u Budžetu Grada Sarajeva za 2024. godinu planira iznos od 50.000 KM.

Obrazloženje:

U okviru Programa obilježavanja 40. godišnjice ZOI 84, u organizaciji JP KSC Skenderija održava se besplatna škola klizanja, a na klizalištu Skenderije održavaju se takmičenje u umjetničkom klizanju, takmičenje u brzom klizanju, te revijalni program s kojim gostuju osvajači zaltne medalje u umjetničkom klizanju na ZOI 84 u Sarajevu slavni Britanci Jayne Torvil i Christopher Dean koji su svojom plesom na temu Ravelovog Bolera ispisali je historija umjetničkog klizanja uopće.

7. Predlaže se da se za podršku organizaciji i realizaciji dijela Programa obilježavanja ZOI 84. u Sarajevu koji se odvija na borilištima i u objektima kojima upravlja Kantonalno javno poduzeće ZOI 84, za podršku projektima ovoj instituciji u Budžetu Grada Sarajeva za 2024. godinu planira iznos od 50.000 KM.

Obrazloženje:

U okviru Programa obilježavanja 40. godišnjice ZOI 84, na borilištima i u objektima kojima upravlja Kantonalno javno poduzeće ZOI 84, u okviru Ski centar Bjelašnica i Igman, održavaju se skijaška, snowboard, a u Olimpijskom kompleksu ZETRA i hokejaška takmičenja.

8. Predlaže se da se za podršku obilježavanju 130 godina od osnivanja Lovačkog udruženja Sarajevo planira iznos od 20.000 KM

Obrazloženje:

Lovačko udruženje „Sarajevo“ formirana je 1894. godine i jedno je od najstarijih na prostoru Bosne i Hercegovine. Broji 430 redovnih, počasnih, pomažućih članova i podmladak raspoređenih u četiri sekcije: Nahorevo, Hum, Trebević i Crepoljsko. Četiri sekcije su podijeljene na 13 grupa. Udruženje sprovodi lovne aktivnosti na području četiri gradske općine i lokalitetima Paljeva, Ahatovića, Žuća, Nahorevskih brda, Bukovika, Borija i padina Trebevića.

Lovno-privredna osnova privredno-sportskog lovišta „Bukovik“ Sarajevo izrađena je 2016. godine na period od 10 godina na osnovu koje ovo udruženje postupa i na osnovu koje je izvršilo izradu godišnjih planova za lovne godine 2016., 2017., 2018. i 2019. godinu.

Udruženje raspolaže sa 7 lovačkih kuća u kojim lovci provode većinu vremena. U lovištu se nalazi više sagrađenih hranilišta, pojila, niskih i visokih čeka, kao i drugih objekata za uzgoj, zaštitu i prehranu divljači, kao i skoro sve vrste divljači.

Stav predlagača:

Predloženi prijedlozi koje je uputio predsjedavajući Gradskog vijeća Grada Sarajeva, će se realizovati sa budžetskih stavki koje su kroz Nacrt budžeta Grada Sarajeva za 2024 godinu planirane, naime prijedlog koji se odnosi na:

- Podršku organizaciji i realizaciji dijela Programa obilježavanja ZOI 84

će se finansirati sa pozicije „Usluge protokolarnе reprezentacije“ kao i drugih pozicija koje se odnose na protokolarnе aktivnosti koje se obezbjeđuju prilikom posjeta delegacija Gradu Sarajevo, a u okviru sredstava predviđenih za ove svrhe.

Predloženi prijedlozi

- Podršku projektima JU Narodno pozorište u Sarajevu
- Podrška Lovačkom udruženju Sarajevo

će se raelizirati/ finansirati sa pozicije „Finansijska podrška projektima ustanova kulture, institucija kulture od značaja, muzeja i pozorišta sa područja Grada Sarajeva“ a u skladu sa uslovima javnog poziva u iznosu 10.000 KM/ odnosno pozicije „Primjena Odluke o uslovima i postupku prihvatanja pokroviteljstva Grada Sarajeva“ a u skladu sa Pravilnikom koji reguliše dodjelu sredstava sa navedene pozicije u predloženom iznosu.

Predloženi prijedlog

- Podrška Olimpijskom komitetu Bosne i Hercegovine

se prihvata kako je predložen i uvrstit će se u Prijedlog budžeta Grada Sarajeva za 2024 godinu. Naime pozicija je planirana Nacrtom Budžeta Grada Sarajeva u iznosu od 30.000 KM pod nazivom „Obilježavanje godišnjice ZOI 84“ u Prijedlogu Budžeta Grada Sarajeva za 2024. godinu se povećava za dodatnih 10.000 KM, što ukupno iznosi 40.000 KM, a naziv pozicije će se izmijeniti i glasit će „Olimpijski komitet BiH“

Predloženi prijedlog

- Sufinansiranje manifestacije Sarajevo Film Festival

pozicija je planirana Nacrtom Budžeta Grada Sarajeva u iznosu od 200.000 KM, te ostaje na planiranom nivou obzirom da se SFF dodatno finansira iz budžeta Grada Sarajeva sa pozicije Udruženje Obala art – UNESCO film.

Ostali prijedlozi koji su predloženi ispred predsjedavajućeg Gradskog vijeća Grada Sarajeva, iako su opravdani jer postoji realna potreba za istim, se ne mogu prihvatiti iz razloga što povećanje ukupno raspoloživih sredstava u Prijedlogu Budžeta Grada Sarajeva za 2024. godinu nije dovoljno da se prihvate svi prijedlozi i sugestije upućene u toku trajanja javne rasprave.

2. Grupa gradskih vijećnika (Said Škaljić, Danijela Šahat, Enisa Spahić, Samir Bejić, Željko Majstorović, Jasmin Skorupan)

1.OPREMANJE DVA LOGOPEDSKA KABINETA U AMBULANTI HRASNO BRDO

- DIGITALNI INTERAKTIVNI STO (1 kom) – 4.000 KM

- INTERAKTIVNI PANEL (1Kom) – 6.500 KM

UKUPNO 10.500KM

Obrazloženje:

Logopedski kabinet sa dvije logopedice već duže vrijeme rade bez neophodne opreme sa djecom s poteškoćama u razvoju i govoru, mucanju, poremećaja iz autističnog spektra nerazvijenom govoru, pacijentima sa afazijama i drugim poteškoćama. Opremanje logopedskih kabineta, rehabilitacija naših pacijenata kraće bi trajala a samim tim bi se i smanjile liste čekanja.

2.NABAVKA MIKROSKOPA ZA ODJEL OFTALMOLOKOG ODJELA OPĆE BOLNICE

„Abdulah Nakaš“

Potrebna sredstva 150.000KM (sufinansiranje nabavke u iznosu od 50.000 KM)

Obrazloženje:

Odjel oftalmologije Opće bolnice Prim. dr. „Abdulah Nakaš“ u Sarajevu je jedna od najproduktivnijih oftalmoloških jedinica u našoj zemlji sa preko 1.500 operacija katarakte godišnje. Obzirom na potencijal odjela i kvalitet ljekara jako je bitno za naš kanton održati postojeći broj operacija te unaprijediti kvalitet usluge pacijentima. Za ovakve aktivnosti je neophodno obnoviti postojeću opremu u operacionoj sali, a posebno oftalmološki mikroskop koje se pored operacija katarakte koristi i kod drugih manje invazivnih zahvata obzirom da je postojeći u jako lošem stanju. Ovom prilikom predlažem da se u budžet za 2024.godinu uvrste sredstva za pomoć u nabavci novog oftalmološkog mikroskopa za naprednom tehnologijom koji može biti osnova i za dalji razvoj odjela u vidu zahvata na zadnjem segmentu oka kako bi naši građani, a pacijenti ove ustanove imali najbolju moguću uslugu.

3.IZRADA PROJEKTNE, TEHNIČKE DOKUMENTACIJE I REDIZAJN ZA SANACIJU MOSTA

Potrebna sredstva: 40.000 KM

Obrazloženje:

Jedna od izvornih nadležnosti Grada Sarajeva jeste održavanje mostova na rijeci Miljacki i izgradnja novih, ako je to potrebno. U periodu realizacije Strategije razvoja Grada Sarajeva za period 2021.-2027. godine planirano je izvršiti sanaciju 7 mostova. (Veza inicijativa vijećnica Enisa Spahić mart 2023. godine). Predlažem, novi ekonomski kod – izrada projektne i tehničke dokumentacije za sanaciju i redizajn pješačkog mosta kod objekta VISTAFON Općina Novi Grad, u iznosu od 30.000 KM iz prenesenih sredstava.

4.NABAVKA I POSTAVLJANJE PLOČA/TABLI NA ULAZU U VEĆE PARKOVE

Potrebna sredstva: 15.000 KM

Novi ekonomski kod – izrada i postavljanje ploče/table na ulazu u veće parkove Grada Sarajeva kojima dajete na znanje da obavezno počiste za svojim psom kako bi naši parkovi bili sigurniji, čišći za sve posjetioce, a posebno malu raj:

POČISTI ZA SVOJIM PSOM

Onečišćuje okolinu

Izvor zaraze

Privlači štakore

Širi neugodan miris

(veza inicijativa vijećnica Enisa Spahić, oktobar 2023. godine)

5.Pomoć INSTITUTU ZA MAJKU I DIJETE

Potrebna sredstva: 10.000 KM

Obrazloženje:

Institut za majku i dijete je neprofitabilna institucija koja je osnovana od rahmetli Belme Šoljanin. Trenutna predsjednica instituta za majku i dijete je gđa Alma Badić. Institut svakodnevno na sedmičnom, mjesečnom nivou obezbjeđuje besplatne edukacije (neke i online) za sve potrebne uže specijalnosti koje se tiču majke i djeteta (konsultacije sa pedijatrom, logopedom, ginekologom, nutricionistom, dječjim fizijatrom, dječjim psihijatrom, socijalnim radnicima..). Ove godine Institut je održao promociju PRIRUČNIKA u Hotelu HILLS na Ilidži .

Radi se o priručniku pod nazivom „Prvi dani sa bebom". Autori priručnika su renomirani i etablirani profesori i subspecijalisti i specijalisti različitih medicinskih oblasti. Priručnik je potpuno besplatan, i do sada je podijeljene nekoliko hiljada svim trudnicama, majkama. Članovi instituta za majku i dijete su osim zdravstvenih ustanova u KS (porodilišta i pedijatrije), obišli mnogo gradova u FBiH kako bi podijelili priručnike u mjestima gdje zdravstvena zaštita nije tako dostupna i jednako kvalitetna kao u KS. Smatram da bi Grad Sarajevo na čelu sa gradonačelnicom Benjaminom Karić trebao pomoći radi Instituta za majku i dijete. Predlažem da Grad Sarajevo pomogne rad instituta sa

10.000 KM. Iako ovo ne predstavlja ogroman novac (budući da je budžet grada cca 20 miliona KM), za grad simbolično ali za rad instituta ovo bi predstavljalo zaista ogromnu finansijsku pomoć za dalji društveno korisni rad.

Informacije radi na društvenim mrežama rad instituta prati veliki broj građana širom BiH (nekih 55-60 hiljada ljudi) te sve aktivnosti, rad, ideje projekte i druge društveno-korisne stvari se mogu pratiti na stranici instituta.

6.MOLBA ZA DODJELU NOVČANIH SREDSTAVA - Franjevačka teologija

Potrebna sredstva: 100.000 KM

Obrazloženje:

Franjevačka teologija u Sarajevu je visokoškolska ustanova u Bosni i Hercegovini gdje se školuju budući franjevci-svećenici iz cijele Bosne. Na našoj teologiji koja djeluje više od jednog stoljeća prvo su studirali kandidati za svećenička zvanja, franjevci, a tek nakon posljednjega rata mjerodavne vlasti dopustile su studirati i civilima laicima. Školovanje na našoj ustanovi, slijedeći primjer našega utemeljitelja sv. Franju, besplatno je jer veliki dio studenata potječe iz skromnih obitelji. Nažalost, kao ustanova koja djeluje u Sarajevu nismo finansijski prepoznati od lokalne zajednice a pogotovu od županijske i državne. Nakon posljednjega rata naša Teologija u potpunosti je razrušena. Potpisivanjem Daytonskog mirovnog sporazuma franjevci u suradnji sa našim dobročiniteljima u potpunosti su obnovili zgradu te su se profesori i studenti vratili i nastavili na obrazovanju novih franjevaca.

Budući da je od posljednje obnove prošlo više od 25. godina te kako su se i same metode predavanja mijenjale u okviru svojih mogućnosti pokušavali smo studentima opremiti amfiteatar i kabinete kako bismo mogli na što bolji način stjecati naobrazbu. Nažalost zadnjih godina smo uočili velike nedostatke u studentskim sobama na Franjevačkoj teologiji, naime radi se o tome da u studentskom dijelu sobe nemaju svojih kupatila. Studenti imaju na hodnicima zajednička kupatila koja ne zadovoljavaju standarde današnjeg društva. Stoga je potrebno pristupiti dogradnji kupaonica u studentskim sobama.

Projektna dokumentacija je izrađena i prema projektu sve košta 573.380,54 KM.

Također potrebno je napomenuti da imamo osigurana i vlastita sredstva u iznosu od 100.000,00 KM te sredstva od 58.430,00 KM od drugih donatora. Svjesni smo da pred nama stoji jedan opsežan projekat obnove ali smo isto tako svjesni da smo do sada imali podršku grada Sarajeva napose gospođe Benjamine Karić, te Vas molimo da nam pomognete u realizaciji ovog projekta sa iznosom od 100.000,00 KM, kako bismo mogli započeti s ovim projektnim zadatkom.

Projekat u koji želimo ući podrazumijeva da se u studentskim sobama koje su na I i II spratu projektovane kao dvokrevetne sobe bez kupaonice a na III katu kao dvokrevetne i jednokrevetne sobe također bez kupaonice dograde kupaonice gdje je to moguće a jednokrevetne sobe spoje u jednu i izvede kupaona kako bi se poboljšali uslovi boravka studenata. Iz same dispozicije prostora te snimanjem postojećeg stanja, tlocrta podruma, prizemlja, prvog, drugog i trećeg sprata vidljivo je da se može dograditi u svakoj sobi kupaonica sa osnovnim sanitarnim uređajima na mjestu koje je predviđeno projektom. Kupaonice su predviđene na mjestu gdje je sada ugradbeni plakar koji se u potpunosti dislocira, tako da se dobije povoljna pozicija za izvedbu kupaonica. Zbog potrebnog položaja samih vertikalnih instalacija kanalizacije i vodovoda kupaonica je tlocrtnih dimenzija 1.8/2.00 m što je optimalno da se smjeste osnovni sanitarni uređaji.

Ukoliko bismo uspjeli dograditi kupaonice projektirani sadržaji osiguravaju i pretpostavljenu zaradu i mogućnost zakupa a samim time pokrivaju i troškove održavanja objekta, te jamče budućnost opstanka zgrade Franjevačke teologije u Sarajevu.

S toga Vas molimo ukoliko ste u mogućnosti da se pridružite i pomognete svojim novčanim prilogom dogradnju kupaonica na Franjevačkoj teologiji u Sarajevu.

7.NABAVKA KNJIGA ZA BIBLIOTEČKI FOND OŠ „ŠIP“

Potrebna sredstva: 5.000 KM

Obrazloženje:

Potrebno je da Grada Sarajeva razmotri mogućnost da finansijski pomogne radu biblioteke osnovne škole „ŠIP“. Oktobar se obilježava kao mjesec knjige, pruža nam priliku da se fokusiramo na važnost čitanja i obrazovanja, a upravo u toj svjetlosti želio bih istaknuti potrebu za hitnom obnovom ove školske biblioteke.

Biblioteka „ŠIP“ suočava se s ozbiljnim izazovima zbog izrazito siromašnog bibliotečnog fonda koji sadrži samo nekoliko stotina knjiga, s vrlo ograničenim brojem lektira. Ova situacija ograničava pristup obrazovnim materijalima i čitanju, što može značajno utjecati na obrazovanje naše djece. U skladu s vašim mogućnostima i ovom prigodom Mjeseca knjige, stoga bih vas molio da razmotrite mogućnost izdvajanja određenih finansijskih sredstava za obnovu biblioteke Osnovne škole „ŠIP“. Predlažem iznos od 5.000 KM koji bi se iskoristio za nabavku novih knjiga, posebno lektira, te za opremanje i modernizaciju samog prostora kako bismo stvorili poticajno okruženje za čitanje. Investiranje u obrazovanje naše mlade generacije i unaprjeđenje školskih biblioteka od vitalnog je značaja za budućnost našeg grada. Ovaj korak bio bi važan doprinos u ostvarivanju tog cilja. Unaprijed se zahvaljujem na razmatranju ove inicijative i nadam se da ćete podržati naše napore da unaprijedimo obrazovanje naše djece.

8.NABAVKA STILSKIH KANTI ZA OTPATKE SA AMBLEMOM GRADA

Potrebna sredstva: 25.000 KM

Obrazloženje:

Pored već postavljenih kanti za otpatke potrebno je nabaviti i dodatne kante koje će se postaviti u dijelovima Gradskih Općina gdje je najveća frekvencija ljudi. Obzirom da će biti u urbanijim sredinama kante bi trebale biti „stilske“ i sa amblemom Grada Sarajeva. Veliki gradovi širom svijeta već imaju isti ili sličan koncept.

9.NABAVKA STACIONARNOG PANORAMSKOG DVOGLEDA

Potrebna sredstva: 4.500-5.000 KM

Obrazloženje:

Grad Sarajevo postaje sve više turistički centar koji privlači veliki broj gostiju iz cijelog svijeta. Mnogi gosti posjećuju mjesta sa kojih se pruža pogled na cijeli grad. Ta mjesta su zabilježena i na filmskim platnima, kao što je pogled sa žute Tabije. Predlažem da Grad Sarajevo nabavi jedan stacionarni panoramski dvogled i postavi upravo na žutu Tabiju. Obzirom da za njegovu montažu nije potrebno izvođenje građevinskih radova, niti je za njegov rad potrebna električna energija saglasnost se može jednostavno obezbijediti. Pored toga ovakve vrste dvogleda se i naplaćuju, pa bi Grad Sarajevo mogao ostvariti dodatne prihode u svoj budžet, a ujedno pružiti više sadržaja mnogobrojnim posjetiocima. Svi pokazatelji govore da bi ovaj koncept bio rentabilan, pa bi u jako kratkom vremenu jedan dvogled mogao finansirati nabavku drugog za narednu lokaciju (izlazna stanica Sarajevske žičare i sl.)

Stav predlagača:

Predloženi prijedlozi koje je uputila grupa gradskih vijećnika (Said Škaljić, Danijela Šahat, Enisa Spahić, Samir Bejić, Željko Majstorović, Jasmin Skorupan) Gradskog vijeća Grada Sarajeva, sagledani su predloženi zahtjevi i obrazloženja zahtjeva, te isti se smatraju opravdanim te će se realizovati sa budžetskih stavki koje su kroz Nacrt budžeta Grada Sarajeva za 2024 godinu planirana. Naime,

- Izrada projektne, tehničke dokumentacije i redizajn za sanaciju mosta

- Nabavka i postavljanje ploča/tabli na ulazu u veće parkove
- Nabavka korpica za otpatke sa amblemom grada

će se finansirati sa pozicije „Održavanje komunalnih objekata “ sa koje se finansiraju svi tekući izdaci koji su vezani za komunalne objekte koji su u nadležnosti Grada Sarajeva. Obzirom na navedeno i da se radi o izdacima koji se odnose na komunalne objekte otvaranje nove pozicije nije potrebno, te će se predloženi prijedlozi realizovati u okviru predviđenih sredstava za ove namjene. Razmotrit će se i mogućnost povećanja sredstava na navedenoj poziciji.

Predloženi prijedlozi

- Pomoć institutu za majku i dijete
- Nabavka stacionarnog panoramskog dvogleda

se prihvataju kako su predloženi i uvrstit će se u Prijedlog budžeta Grada Sarajeva za 2024 godinu, na način da će se planirati nova pozicija u Prijedlogu budžeta Grada Sarajeva pod nazivom „Institut za majku i dijete“/ odnosno da će se pozicija u budžetu „Nabavka opreme“ uvećati za 5.000 KM kako bi se izvršila nabavka dvogleda.

Predloženi prijedlog

- Nabavka knjiga za bibliotečni fond OŠ ŠIP

će se realizovati iz budžeta Grada Sarajeva za 2023 godinu.

Ostali prijedlozi koji su predloženi ispred grupe gradskih vijećnika (Said Škaljić, Danijela Šahat, Enisa Spahić, Samir Bejić, Željko Majstorović, Jasmin Skorupan), iako su opravdani jer postoji realna potreba za istim, se ne mogu prihvatiti iz razloga što povećanje ukupno raspoloživih sredstava u Prijedlogu Budžeta Grada Sarajeva za 2024.godinu nije dovoljno da se prihvate svi prijedlozi i sugestije upućene u toku trajanja javne rasprave.

3. Gradska vijećnica Lajla Ćosović

1.PROJEKAT REKONSTRUKCIJE DJEČJEG IGRALIŠTA – JU DJECA SARAJEVA – Općina Ilijaš 30.000 KM

Vrtić Ilijaš raspolaže sa 1020 kvadrata unutrašnje veličine i dvorišta dva sa po 800 kvadrata. Broji 5 odgojnih grupa – 108 djece. Oba dvorišta trebaju rekonstrukciji s tim da je jedno koje je inače u funkciji već Općina Ilijaš izdvojila sredstva i čeka se njegova obnova.

Drugo dvorište isto oko 800 kvadrata treba potpunu rekonstrukciju u vidu da se teren izravna te postave klupice i šadrvani kako bi djeca imala prostora da borave u ljetnom periodu u vidu vrtića u prirodi. Potrebno je i par rekvizita za sport (mali fudbal, košarka) ili dječji poligon, a ostali prostor travnati, poravnati kako bi bio sigurniji za kretanje.

2. FINANSIJSKA PODRŠKA SPORTSKOM UDRUŽENJU GIMNASTIČKI KLUB SARAJEVO 10.000 KM

Stav predlagača:

Obzirom da su predloženi prijedlozi gradske vijećnice Lajle Ćosović sadržani u prijedlozima koje je dostavio Gradski vijećnik Toni Vukadin ispred kluba vijećnika NIP-a, gradonačelnica se po navedenim zahtjevima očitovala u tom dijelu izvještaja o javnoj raspravi.

4. Gradska vijećnica Alma Čengić

Rekonstrukcija stepeništa i rukohvata u ulici Orašačka, Općina Novo Sarajevo

Predlažem da se u budžetu za 2024. godinu planira rekonstrukcija postojeće dotrajalog stepeništa u ulici „Orašačka” koja se nalazi u Općini Novo Sarajevo, zajedno sa rukohvatima u dužini od cca 50 m. Obzirom da u navedenoj ulici stanuje veliki broj starijih osoba i osoba sa invaliditetom, a kako su postojeće vanjske stepenice nestabilne, dotrajale i oronule te iste u zimskom periodu predstavljaju veliku opasnost od pada ili klizanja prijeko je potrebna sanacija i rekonstrukcija istih.

Stepenište je oronulo i klizavo, a trenutni rukohvati su jako niski i neupotrebljivi. Osim navedenog pomenuta ulica nema pristupni put svojim domovima. Pristupni put je predviđen RP Pofalići, međutim zbog niza otežavajućih okolnosti, u 21. stoljeću građani jedne gradske ulice ne mogu ostvariti pristup svojim domovima čak ni u interventnom smislu medicinskih ekipa, a pomenute dotrajale stepenice im predstavljaju jedini pristup kućama. Molim Vas da razmotrite ovaj prijedlog te da Grad Sarajevo učestvuje u jednom dijelu projekta koji se odnosi na rekonstrukciju stepeništa u iznosu od 20.000 KM te na taj način olakša trenutno stanje dok se adekvatan pristupni put ne izgradi.

Stav predlagača:

Prijedlog koji su predložen ispred Gradske vijećnice Alme Čengić iako je opravdan, jer realne potrebe za istim postoje, se ne može prihvatiti iz razloga što povećanje ukupno raspoloživih sredstava u Prijedlogu Budžeta Grada Sarajeva za 2024. godinu nije dovoljno da se prihvate svi prijedlozi i sugestije upućene u toku trajanja javne rasprave, dok istovremeno izgradnja ovakvih objekata je isključivo u nadležnosti Općina.

5. Gradski vijećnik Toni Vukadin

1. PROJEKAT – „MEDICINSKA ČISTA SOBA U OBJEKTU ZAVODA ZA TRANSFUZIJSKU MEDICINU“ – 50.000 KM
2. OPĆA BOLNICA – Nabavka stuba UZ aparata za pregled kukova kod male djece – Odjel ortopedija OB – cca 120.000 KM
3. MEDICINSKA ŠKOLA JEZERO – nabavka medicinske opreme za praktičnu nastavu (specifikacija naknadno) – 50.000 KM
4. JU BIBLIOTEKA Sarajeva – nabavka bibliotečne građe 10.000 KM
5. JU Biblioteka Sarajeva – opremanje prostorije za digitalizaciju; potrebna oprema led rasvjeta i photo box kutije, intervencije na zidovima izolacija, promjena prozorskog stakla, namjenski radni stolovi i viseće police, dodaci za zvučnu izolaciju, potreban iznos: 15.000 KM
6. Fondacija „Balans“ – Unaprjeđenje ambijenta zaposlenih invalida u privrednim društvima 10.000 KM
7. Gimnastički klub Sarajevo – Turnir povodom Dana nezavisnosti – 5.000 KM
8. JU „Djeca Sarajeva“ – vrtić Ilijaš za rekonstrukciju dvorišta 30.000 KM
9. Centar za edukaciju i istraživanje – Istraživanje turističkih potencijala u cilju unaprjeđenja procjene prirodnih, kulturnih i poslovnih potencijala Sarajeva u razvoju turizma i izrada publikacije 20.000 KM
10. Finansiranje ulaznica za kino i pozorište za penzionere – 10.000 KM
11. Streljački klub AIM – 10.000 KM
12. Rekonstrukcija parka za djecu u MZ Olimpijska selo 100.000 KM

Stav predlagača:

Predloženi prijedlozi koje je uputio Toni Vukadin vijećnik Gradskog vijeća Grada Sarajeva, će se realizovati sa budžetskih stavki koje su kroz Nacrt budžeta Grada Sarajeva za 2024. godinu planirane. Naime,

Predloženi prijedlozi

- Gimnastički klub Sarajevo
- Streljački klub AIM
- Fondacija „Balans“

će se realizirati sa pozicije „Primjena Odluke o uslovima i postupku prihvatanja pokroviteljstva Grada Sarajeva“ a u skladu sa Pravilnikom koji reguliše dodjelu sredstava,/odnosno sa pozicije „Podrška razvojnom sportu - Javni poziv organizacijama u sportu sa područja Grada Sarajeva“ a u skladu za uslovima iz javnog poziva, dok će se posljednji prijedlog realizovati sa pozicije „Podrška udruženjima socijalnog i humanitarnog karaktera – Javni poziv.

Predloženi prijedlog

- JU biblioteka Sarajevo - nabavka bibliotečne građe

će se realizirati/ finansirati sa pozicije „Finansijska podrška projektima ustanova kulture, institucija kulture od značaja, muzeja i pozorišta sa područja Grada Sarajeva“, a u skladu sa uslovima javnog poziva.

Predloženi prijedlozi

- Finansiranje ulaznica za kino i pozorište za penzionere
- Centar za edukaciju i istraživanje

se prihvataju kako su predloženi i uvrstit će se u Prijedlog budžeta Grada Sarajeva za 2024. godinu, na način da će se formirati nove pozicije, pod nazivom „Podrška udruženjima penzionera“/ odnosno Podrška udruženjima za provedbu projekata za unaprjeđenje turizma/po javnom pozivu. Obzirom da je jedan od prioriteta iz Strategije razvoja Grada Sarajeva 2021.-2027. godine razvoj kapaciteta u oblasti turizma u Gradu Sarajevu, i da je Gradska služba za lokalno poslovanje uputila zahtjev da se formira nova pozicija sa koje će se sredstva realizirati po Javnom pozivu, za projekte unaprjeđenja turizma u ljetnoj i turističkoj sezoni i drugih projekata i programa koji doprinose unaprjeđenju turizma, gradonačelnica je prihvatila prijedlog.

Predloženi prijedlog

- Rekonstrukcija parka za djecu u MZ Olimpijsko selo

u budžetu Grada Sarajeva već postoji pozicija sa koje se može finansirati predloženi prijedlog, te će se u toku 2024. godine razmotriti mogućnost finansiranja u skladu sa raspoloživim sredstvima.

Ostali prijedlozi koji su predloženi ispred Gradskog vijećnika Toni Vukadina, iako su opravdani jer postoji realna potreba za istim, se ne mogu prihvatiti iz razloga što povećanje ukupno raspoloživih sredstava u Prijedlogu Budžeta Grada Sarajeva za 2024. godinu nije dovoljno da se prihvate svi prijedlozi i sugestije upućene u toku trajanja javne rasprave.

III DOSTAVLJENE PRIMJEDBE, PRIJEDLOZI, SUGESTIJE I MIŠLJENJA GRADSKIH SLUŽBI:

1. GRADSKA SLUŽBA ZA LOKALNU SAMOUPRAVU

Odluke usvojene na sjednici Gradskog vijeća Grada Sarajeva, od 29.11.2023. godine („Službene novine Kantona Sarajevo”, broj 52/23) od 14.12.2023. godine.

1. Odluka o utvrđivanju posebnog značaja za Grad Sarajevo za Udruženje Generala Bosne i Hercegovine 10.000 KM (umjesto dosadašnjih 7.000 KM)

Udruženje Generala Bosne i Hercegovine obratilo se Zahtjevom za sticanje statusa udruženja od posebnog značaja za Grad Sarajevo. U skladu sa odredbama Odluke o načinu sticanja statusa udruženja i fondacija od posebnog značaja za Grad Sarajevo Gradonačelnica je uputila Gradskom vijeću Grada Sarajeva prijedlog, a Gradsko vijeće Grada Sarajeva je navedenu Odluku donijelo.

2. Odluka o utvrđivanju posebnog značaja za Grad Sarajevo za Udruženje za podršku i promociju jevrejske kulture, tradicije i turističkih potencijala „Hagada“ 5.000 KM

Udruženje za podršku i promociju jevrejske kulture, tradicije i turističkih potencijala „Hagada“, obratilo se Zahtjevom za sticanje statusa udruženja od posebnog značaja za Grad Sarajevo. U skladu sa odredbama Odluke o načinu sticanja statusa udruženja i fondacija od posebnog značaja za Grad Sarajevo Gradonačelnica je uputila Gradskom vijeću Grada Sarajeva prijedlog, a Gradsko vijeće Grada Sarajeva je navedenu Odluku donijelo.

3. Odluka o utvrđivanju posebnog značaja za Grad Sarajevo za Udruženje Kali Sara – Romski informativni centar Sarajevo 5.000 KM

Udruženje Kali Sara – Romski informativni centar Sarajevo, obratilo se Zahtjevom za sticanje statusa udruženja od posebnog značaja za Grad Sarajevo. U skladu sa odredbama Odluke o načinu sticanja statusa udruženja i fondacija od posebnog značaja za Grad Sarajevo Gradonačelnica je uputila Gradskom vijeću Grada Sarajeva prijedlog, a Gradsko vijeće Grada Sarajeva je navedenu Odluku donijelo.

- Odluka pripremljena za sjednicu Gradsko vijeće Grada Sarajeva, u decembru 2023. godine

1. Prijedlog Odluke o utvrđivanju posebnog značaja za Grad Sarajevo za Udruženje za očuvanje i promociju rok muzike „Ex-Yu Rock Society“ 10.000 KM

Udruženje za očuvanje i promociju rok muzike „Ex-Yu Rock Society“, sa sjedištem u Sarajevu, obratilo se gradonačelnici Grada Sarajeva i to Zahtjevom za sticanje statusa udruženja od posebnog značaja za Grad Sarajevo. Uz zahtjev su dostavljeni dokazi o ispunjavanju općih i posebnih uslova iz Odluke o načinu sticanja statusa udruženja i fondacija od posebnog značaja za Grad Sarajevo. U svom utvrđenom djelovanju, Udruženje „Ex-Yu Rock Society“ ima za cilj obogatiti sadržaj, percepciju, te znanje o Sarajevu kao glavnom gradu regije kada je u pitanju muzika koja je u javnosti poznata kao „Ex-Yu Rock“. Navedeni cilj implementira se kroz sjećanje na slavnu muzičku prošlost Sarajeva, ali i kroz domaće, mlade muzičke snage, te se tako izgrađuje temelj za buduću muzičku scenu i autorsko stvaralaštvo. Udruženje vrši svoju djelatnost kroz Ex-Yu Rock Centar, multifunkcionalni prostor koji je do sada ponudio više izložbi na temu Ex-Yu Rock muzike, kao i kroz koncerte mladih autorskih bendova, kreativne radionice za srednjoškolce, prikazivanje dokumentarnih filmova, promocije muzičkih spotova, press konferencije i druge događaje. Vodeći računa o iznesenom, te cijeneći da navedeno udruženje svojim djelovanjem i definisanim ciljevima afirmiše razvoj urbanog identiteta i doprinosi kulturnom razvoju Sarajeva, što predstavlja vrijednosti od posebnog interesa i značaja za

Grad Sarajevo, Gradonačelnica se opredijelila da Gradskom vijeću Grada Sarajeva predloži donošenje ove Odluke u mjesecu decembru 2023. godine.

Stav predlagača:

Obzirom da je Gradsko vijeće grada Sarajeva na sjednici održanoj 29.11.2023. godine donijelo Odluke kojima su „Udruženje generala Bosne i Hercegovine“, „Udruženje za podršku i promociju jevrejske kulture, tradicije i turističkih potencijala Hagada“ i „Udruženje Kali Sara Romski informativni centar Sarajevo“ stekla status udruženja i fondacija od posebnog značaja za Grad Sarajevo predloženi prijedlozi Gradske službe za lokalnu samoupravu se prihvataju. Iznos sredstava koji su planirani za „Udruženje generala Bosne i Hercegovine“ ostaje na nivou kako je planirano u Nacrtu budžeta Grada Sarajeva, tj. u iznosu 7.000 KM

Obzirom da će se na decembarskoj sjednici razmatrati Odluka kojom bi „Udruženje za očuvanje i promociju rok muzike Ex – Yu Rock Society trebala steći status udruženja od posebnog značaja za Grad Sarajevo predloženi prijedlog se prihvata i planira u Prijedlogu budžeta Grada Sarajeva u iznosu od 5.000 KM.

Zahtjevi Udruženja koja su stekla status kao Udruženja od posebnog značaja za Grad Sarajevo da se povećaju budžetska izdvajanja za rad i djelovanje istih, na osnovu trenutnih prihoda Gradska uprava nije u mogućnosti da povećava doznačena sredstva, jer trenutni prihodi to ne dozvoljavaju. Nesporna je činjenica da su u pitanju udruženja koja iziskuje podršku svake vrste i Grad Sarajevo je o ovome uvijek vodio računa i pružao bezuslovnu podršku. Zasigurno će se u budućnosti razmotriti mogućnost da se udovolji zahtjevima udruženja.

Udruženje vatrogasno društvo Vratnik se putem službe za lokalno poslovanje obratila gradonačelnici za dodatnu podršku povodom obilježavanja 90 godina postojanja. Obzirom da je gradonačelnica prihvatila molbu, planirana pozicija u Nacrtu budžeta Grada Sarajeva „Podrška projektima dobrovoljnih vatrogasnih društava na području gradskih općina“ uvećava se za 5.000 KM i u Prijedlogu Budžeta Grada Sarajeva za 2024. godinu će iznositi 55.000 KM.

2. GRADSKA SLUŽBA ZA LOKALNO POSLOVANJE

- **NAJAM, MONTAŽA I DEMONTAŽA MATERIJALA I SITNOG INVENTARA – PRAZNIČNO UKRAŠAVANJE**

U Nacrtu Budžeta za 2024. godinu predložen je iznos od 30.000,00 KM za *Održavanje, postavljanje, skidanje i skladištenje materijala i sitnog inventara (praznično ukrašavanje)* – nije uključen najam. Prijedlog Službe bio je 70.000,00 KM za Najam, montaža i demontaža materijala i sitnog inventara - praznično ukrašavanje iz sljedećih razloga:

Jedan od prioriteta iz Strategija razvoja grada Sarajeva 2021.-2027. je razvoj kapaciteta u oblasti turizma u gradu Sarajevu. S tim u vezi, dekorisanje grada u vrijeme novogodišnjih i drugih praznika doprinosi atraktivnom izgledu Sarajeva što čini ugodnim život građanima Sarajeva, ali i brojnim turistima. U 2022. godini je izvršena nabavka svjetlosne dekoracije, a nova nabavka planirana je i u 2023. godini. Ukoliko bi se nastavili nabavljati dekorativni materijali za ukrašavanje, izvjesno je da bi se suočili s problemom njegovog skladištenja i održavanja, radi količina i gabarita.

Prednosti najma su što se za manji iznos može dobiti višestruko vrjednija oprema nego da se vrši njena kupovina. Druga prednost je što se može mijenjati sadržaj ukrašenih prostora, kako ne bi bilo monotono (svake godine ista rasvjeta), te po naručiocu nema rizika od štete izazvane vandalizmom, nema troškova skladištenja opreme, održavanja, nema potrebe za kompliciranim tehničkim pripremanjima, a što su sve dodatni troškovi i sl..

Radi toga se predlaže primjena novog koncepta - najam dekorativnog materijala za ukrašavanje javnih prostora, kao i usluge postavljanja ranije nabavljenog materijala. Pod prazničnim ukrašavanjem se podrazumijeva i ukrašavanje jelke kod Katedrale.

- JAVNOG DOČEKA NOVE 2024. GODINE

U Nacrtu Budžeta za 2024. godinu predložen je iznos od 300.000 KM. Prijedlog Službe bio je 500.000 KM. Predloženi iznos od 500.000 KM neophodan je kako bi se javna nabavka pokrenula na vrijeme.

- OBILJEŽAVANJE TURISTIČKIH ATRAKCIJA

Prijedlog Službe je bio 20.000 KM iz sljedećih razloga:

Shodno Strategiji razvoja Grada Sarajeva 2021.-2027. godine, planirano je da Grad Sarajevo, u saradnji s gradskim općinama i Turističkom zajednicom Kantona Sarajevo, radi na postavljanju turističke signalizacije i mapiranju turističkih atrakcija u Sarajevu.

Sredstva će se realizirati za popravku tabli na mostovima Kozija ćuprija, Šeher-ćehajina ćuprija, Latinska ćuprija, Drvenija, Festina lente, Ćumurija, Skenderija, most „Suade i Olge“, te Ars Aevi most. Table kojima će mostovi biti označeni sadržavat će piktogram i kratki historijat svakog od ovih devet mostova, a na njima će se naći i QR kodovi, pomoću kojih će zainteresirani posjetioci lako i brzo moći pristupiti opširnijim tekstovima o mostovima. Turistička obilježja na navedenim mostovima postavljena su 2016. godine, ali ih je radi dotrajalosti, potrebno obnoviti.

Prijedlog Službe nije prihvaćen, te stoga neće biti moguće izmjeriti ostvarenje ciljeva iz Strategije:

SC 5. GRAD HILJADU MOSTOVA

PRIORITET 5.1. Razvoj kapaciteta u oblasti turizma

Jedan od prioriteta ove Strategije jeste razvoj kapaciteta u oblasti turizma u Gradu Sarajevu. U sklopu ovog prioriteta planiramo završetak radova i stavljanje u funkciju objekta „Vidikovac“, intenzivna saradnja sa Turističkom zajednicom Grada Sarajeva, postavljanje turističke signalizacije, izgradnja turistički atrakcija, uređenje Trebevića i pozicioniranje Sarajeva kao novogodišnjeg centra regije.

- JU FOND MEMORIJALA KANTONA SARAJEVO – ODBRANA BIH – IGMAN 2024

Prema uputi sa sastanka pomoćnika gradonačelnice i sekretara organa državne službe Grada Sarajevo, sredstva za ovu namjenu trebalo je planirati na pokroviteljstvu.

- POSTAVLJANJE TURISTIČKE SIGNALIZACIJE – nisu predviđena sredstva u Nacrtu Budžeta za 2024. godinu

Prijedlog Službe bio je 50.000 KM iz sljedećih razloga:

U skladu s Mjerom 5.1.3. – Turistička signalizacija iz Strategije razvoja Grada Sarajeva 2021.-2027. godine, Grad Sarajevo će u saradnji s gradskim općinama i Turističkom zajednicom Kantona Sarajevo raditi na postavljanju turističke signalizacije.

Sredstva će se realizirati nakon izrade Elaborata o postavljanju turističke signalizacije, koji će osigurati Turistička zajednica Kantona Sarajevo do kraja 2023. godine. Obzirom da se očekuje da će Elaborat imati procijenjenu vrijednost postavljanja turističke signalizacije, planirano je da se sredstva dodijele Turističkoj zajednici Kantona Sarajevo koja će implementirati projekat.

Prijedlog Službe nije prihvaćen, te stoga neće biti moguće izmjeriti ostvarenje ciljeva iz Strategije:

SC 5. GRAD HILJADU MOSTOVA – PRIORITET 5.1. Razvoj kapaciteta u oblasti turizma.

- FONDACIJA MREŽE

Potrebno korigovati naziv Fondacije – umjesto Fondacija mreže, treba da stoji Fondacija Mreže.

- **UDRUŽENJE KUPUJMO I KORISTIMO DOMAĆE**

Potrebno korigovati naziv Udruženja: Udruženje Kupujmo i koristimo domaće – kvalitetno proizvedeno u BiH.

- **PROTOKOL O POSLOVNO – TEHNIČKOJ SARADNJI** – nisu predviđena sredstva u Nacrtu Budžeta za 2024. godinu

Prijedlog Službe bio je 100.000 KM iz sljedećih razloga:

Protokolom o poslovno-tehničkoj saradnji broj: 01/04-04-1910/21 od 26.04.2021. godine koji je potpisan između Grada Sarajeva i Turističke zajednice KS preuzete su obaveze realizacije zajedničkih aktivnosti s ciljem razvoja i unapređenja turističkih potencijala Sarajeva i njihove promocije. Sredstva će se realizirati u skladu s obavezama koje su definirane u članu 3. i 4. Protokola. Obzirom da je utvrđeni princip saradnje na ravnopravnim osnovama, Grad Sarajevo treba planirati svoja budžetska sredstva za ostvarenje te saradnje. Protokolom je predviđeno zaključivanje posebnog ugovora za svaki konkretan oblik saradnje.

Prijedlog Službe nije prihvaćen, te stoga neće biti moguće izmjeriti ostvarenje ciljeva iz Strategije: *SC 5. GRAD HILJADU MOSTOVA – PRIORITET 5.1. Razvoj kapaciteta u oblasti turizma.*

- **PODRŠKA UDRUŽENJIMA ZA PROVEDBU PROJEKATA ZA UNAPRJEĐENJE TURIZMA - PO JAVNOM POZIVU** – nisu predviđena sredstva u Nacrtu Budžeta za 2024. godinu

Prijedlog Službe bio je 200.000,00 KM iz sljedećih razloga:

Jedan od prioriteta iz Strategije razvoja Grada Sarajeva 2021.-2027. godine jeste razvoj kapaciteta u oblasti turizma u Gradu Sarajevu. Sredstva će se realizirati po Javnom pozivu, za projekte unapređenja turizma u ljetnoj i turističkoj sezoni i drugih projekata i programa koji doprinose unapređenju turizma. Shodno Strategiji razvoja Grada Sarajeva 2021.-2027. godine, potrebno je planirati sredstva za *Projekat Advent u Sarajevu* s ciljem promocije i razvoja manifestacijskog turizma. Prethodno je potrebno donijeti Odluku Gradskog vijeća Grada Sarajeva kojom će se utvrditi uslovi i kriteriji za upotrebu sredstava tekućih grantova nevladinim i neprofitnim organizacijama za finansiranje projekata za unapređenje turizma.

Prijedlog Službe nije prihvaćen, te stoga neće biti moguće izmjeriti ostvarenje ciljeva iz Strategije: *SC 5. GRAD HILJADU MOSTOVA – PRIORITET 5.1. Razvoj kapaciteta u oblasti turizma*

Stav predlagača:

Predloženi prijedlog ispred Gradske službe za lokalno poslovanje

- Podrška udruženjima za provedbu projekata za unapređenje turizma/po javnom pozivu

se prihvata i planira u budžetu Grada Sarajeva u iznosu 40.000 KM. Navedeni prijedlog je istovremeno upućen i od strane Toni Vukadina.

Ostali prijedlozi koji su predloženi ispred Gradske službe za lokalno poslovanje iako su uglavnom opravdani, jer realne potrebe za istim postoje, se ne mogu prihvatiti iz razloga što nivo raspoloživih sredstava u Budžetu uslovljava da se prilikom raspoređivanja sredstava moralo voditi računa da se obezbjedi zakonom propisano funkcionisanje svih oblasti iz nadležnosti. Također, u slučaju Izmjena i dopuna Budžeta Grada Sarajeva, predloženi prijedlozi službe će se ponovo razmotriti.

U toku javne rasprave služba za lokalno poslovanje je također se obratila dodatnim zahtjevom da se planiraju određena sredstva u budžetu za 2024 godinu, obzirom da su zaprimili određene inicijative gradskih vijećnika, kao i da će Odluka o dodjeli jednokratne novčane pomoći zakupcima prodajnog mjesta na Pijaci „Kvadrant” se moći realizovati tek u 2024 godini. Cijeneći opravdanost zahtjeva službe za lokalno poslovanje gradonačelnica je prihvatila sljedeće predložene prijedloge:

Predloženi prijedlog

- Pomoć zakupcima na Pijaci „Kvadrant“ u iznosu 150.000 KM
- Pomoć udruženjima za zaštitu životinja 10.000

se prihvata kako je predložen i uvrstit će se u Prijedlog budžeta Grada Sarajeva za 2024 godinu, na način da će se otvoriti nove pozicije.

Predloženi prijedlog da se na osnovu vijećničke inicijative podrže projekti JLS se prihvata kako je predložen, i uvrstit će se u Prijedlog budžeta Grada Sarajeva za 2024. godinu. Naime pozicija „Pomoć drugim JLS u BiH“ je planirana Nacrtom Budžeta Grada Sarajeva u iznosu od 100.000 KM u Prijedlogu Budžeta Grada Sarajeva za 2024. godinu se povećava za dodatnih 50.000 KM, što ukupno iznosi 150.000 KM.

3. GRADSKA SLUŽBA ZA OBRAZOVANJE, SPORT, KULTURU I MLADE

U vezi sa Zaključkom kojim je Nacrt Budžeta Grada Sarajeva za 2024. godinu upućen u javnu raspravu do 11.12.2023. godine, ovom prilikom Vam dostavljamo prijedloge i sugestije Gradske službe za obrazovanje, sport, kulturu i mlade, a čiji je predlagač Gradonačelnica Grada Sarajeva.

Obzirom da Gradska služba za obrazovanje, sport, kulturu i mlade u januaru 2024. godine planira dostaviti na razmatranje i usvajanje Gradskom vijeću Grada Sarajeva dvije odluke, i to:

- Odluku o uslovima i načinu ostvarivanja prava na dodjelu sredstava iz Fonda za mobilnost mladih grada Sarajevo
- Odluka za nagrađivanje učenika srednjih škola koji su postigli zapažene rezultate na zvaničnim takmičenjima iz nastavnih predmeta/oblasti u prethodnoj školskoj godini iz Budžeta Grada Sarajeva

Potrebno je planirati sredstva za njihovu realizaciju u Budžetu Grada Sarajeva za 2024. godinu i to na pozicijama kako slijedi:

614 200: Tekući transferi pojedincima: Fond za mobilnost mladih grada Sarajevo - otvoreni javni poziv u iznosu od 25.000,00 KM

614 200: Tekući transferi pojedincima: Nagrade za učenike srednjih škola za ostvarene rezultate na takmičenjima iz prethodne školske godine – javni poziv u iznosu od 50.000,00 KM.

Stav predlagača:

Predloženi prijedlog Gradske službe za obrazovanje, sport, kulturu i mlade

- Nagrade za učenike srednjih škola za ostvarene rezultate na takmičenjima

se prihvata kako je predložen i uvrstit će se u Prijedlog budžeta Grada Sarajeva za 2024 godinu. Navedeni prijedlog je istovremeno upućen i od strane Kluba vijećnika Naše stranke, a također je u toku rasprave na sjednici Gradskog vijeća bila inicijativa dopredsjedavajuće Mirele Džehverović. Način na koji je prihvaćen ovaj prijedlog je već ranije obrazložen.

Predloženi prijedlog

- Fond za mobilnost mladih grada Sarajevo – otvoreni javni poziv

se ne može prihvatiti iz razloga što prihodovna strana Prijedloga budžeta Grada Sarajevo za 2024. godinu nije u mogućnosti da pokrije sve pristigle zahtjeve.

4. INFORMATIVNI CENTAR SARAJEVO

Došlo je do izmjene u prijedlogu Budžeta Grada Sarajeva, te će sredstva planirana na budžetskoj poziciji 614 300 – Tekući transferi neprofitnim organizacijama Udruženje KulturaMedia – projekat „Think Freedom“ – program obilježavanja Dani opsade Grada Sarajeva po Odluci Gradskog vijeća biti izmijenjena. Razlog za pristupanjem ovakvog rješenja proizlazi iz činjenice da je Program obilježavanja Dani opsade grada Sarajeva 1992.-1995. za 2024. godinu dopunjen dodatnim programskim sadržajima koji su navedeni u opisu obilježavanja Programa opsade, a koje će realizirati neprofitno Udruženje umjetnika Art Colony, kao i da je ukazana potreba za dodatnim finansijskim sredstvima za provedbu ove odluke.

Shodno navedenom, u prijedlogu Budžeta Grada Sarajeva sredstva neće biti obezbijeđena na poziciji 614 300 – Tekući transferi neprofitnim organizacija Udruženje KulturaMedia – projekat „Think Freedom“ – program obilježavanja Dani opsade Grada Sarajeva po Odluci Gradskog vijeća, već će biti na budžetskoj poziciji 614 300 – Tekući transferi neprofitnim organizacijama – program obilježavanja Dani opsade Grada Sarajeva po Odluci Gradskog vijeća.

Stav predlagača:

Obzirom da je program obilježavanja „Dani opsade Grada Sarajeva po Odluci Gradskog vijeća“ na sjednici Gradskog vijeća grada Sarajeva održanoj 29.11.2023. godine izmijenjena i kao takva usvojena, te da je Program obilježavanja Dani opsade grada Sarajeva 1992.-1995. za 2024. godinu dopunjen dodatnim programskim sadržajima predloženi prijedlog Informativnog centra se prihvata.

Prijedlog se prihvata na način da se pozicija „Udruženje Kultura Media – Projekat – Think Freedom 1425 - Dani opsade Grada Sarajeva po Odluci gradskog vijeća“ planirana Nacrtom Budžeta Grada Sarajeva u iznosu od 50.000 KM u Prijedlogu Budžeta Grada Sarajeva za 2024. godinu se povećava za dodatnih 30.000 KM, što ukupno iznosi 80.000 KM. Također se opis pozicije mijenja i glasiti će „Program obilježavanja Dani opsade Grada Sarajeva po Odluci Gradskog vijeća“.

5. GRADSKA SLUŽBA ZA OPĆU UPRAVU I ZAJEDNIČKE POSLOVE

Služba se obratila zahtjevom za obezbjeđivanje dodatnih sredstava u Budžetu za 2024.godinu koje je dostavila u pisanoj formi dana 07.12.2023. godine, na javnu raspravu, kako slijedi:

- na poziciji ostale ugovorene usluge povećati sredstva za 15.000 KM

6. STRUČNA SLUŽBA ZA POSLOVE KABINETA I POSLOVE GRADSKJE UPRAVE

Služba se obratila zahtjevom za obezbjeđivanje dodatnih sredstava u Budžetu za 2024.godinu koje je dostavila putem maila na javnu raspravu, kako slijedi:

- na poziciji nabavka opreme planira dodatnih 10.000 KM za nabavku kompjuterske opreme

IV DOSTAVLJENE PRIMJEDBE, PRIJEDLOZI, SUGESTIJE I MIŠLJENJA OSTALIH SUBJEKATA

1. Olimpijski bazen Otoka

1. Grant za tekuće poslovanje Preduzeća – 1.900.000 KM (konto 614400)

Predlažemo da se u Budžetu Grada Sarajeva za 2024.godinu (konto 614400) odobre sredstva granta za funkcionisanje i planirane aktivnosti JP Olimpijski bazen Otoka d.o.o. Sarajevo u visini od 1.900.000 KM, odnosno u visini granta za 2023. godinu od 1.750.000 KM uvećana za stopu projektovane inflacije do kraja godine od oko 8%.

U Budžeta Grada Sarajeva za 2023.godinu odobren je grant za funkcionisanje i planirane aktivnosti

JP „Olimpijski bazen“ Otoka d.o.o. Sarajevo u visini od 1.750.000,00 KM, što je omogućilo nesmetanu realizaciju svih planiranih poslova i aktivnosti Preduzeća do kraja 2023.godine, uprkos vrlo nepovoljnim uslovima privređivanja izazvanih energetsom krizom i općim porastom cijena u ovoj godini. Obzirom na očekivani trend rasta troškova poslovanja u 2024.godini i najavljenim povećanjem cijena za nas bitnih energenata prirodnog gasa i električne energije, kao i općeg porasta cijena svih roba i usluga, smatramo za opravdanim zahtjev za povećanje granta za funkcionisanje Preduzeća za pretpostavljeni rast stope inflacije do kraja godine u visini od cca 8%, odnosno sa 1.750.000,00 KM povećanje granta na 1.900.000,00 KM.

Iz izvještaja i drugih materijala, koje smo ranije dostavljali, detaljno smo Vas upoznavali sa problematikom poslovanja Olimpijskog bazena Otoka u prethodnim godinama.

Pozitivni finansijski rezultati poslovanja Preduzeća u prethodnih desetak godina potvrđuju svrsishodnost i opravdanost sanacionih i organizacionih mjera u cilju sanacije Preduzeća koje smo implementirali u prethodnom periodu. Uspješno su amortizovani uzroci stvaranja gubitka i stvoreni kontinuirani uslovi za pozitivne trendove u poslovanju Preduzeća.

U cijelom tom periodu kontinuirano smo nastaviti sa implementacijom sanacionih mjera te poduzimali dodatne marketinške i organizacione aktivnosti, prvenstveno u segmentu obezbjeđenja dodatnih sredstava iz budžeta općina i ministarstava u cilju finansiranja pripremljenih programa koji su istovremeno i društveno korisni i profitabilni projekti.

U izradi projekcije poslovanja Preduzeća do kraja 2023. i 2024. godine susreli smo se sa nizom poteškoća i nepoznanica koje vrlo ozbiljno uslovljavaju poslovanje Preduzeća i značajno uvećavaju potencijalni rizik u procesu realizacije strateških ciljeva radi kojih je Olimpijski bazen izgrađen i osnovano Preduzeća, a to su razvoj vodenih sportova, edukacija neplivača i rekreacija stanovnika i posjetilaca Grada Sarajeva.

Zbog energetske krize izazvane ratovima u Ukrajini i na Bliskom Istoku, nestašica i rast cijena energenata prouzrokuju vrlo ozbiljne poteškoće u funkcionisanju svih segmenata privrede i društva u cjelini (napominjemo da je grijanje objekta i vode u Olimpijskom bazenu Otoka projektovano isključivo sa opremom koja radi na prirodni gas i tečno gorivo kao alternativu, a za oba ta energenta vrlo je neizvjesna i isporuka i cijena u narednom periodu). Vrlo realno je očekivati i već je najavljen značajan rast njihovih cijena, tako da smo morali planirati veća sredstva za izmirenje tih rashoda.

Opći rast nivoa cijena, projektovan do kraja godine od strane Centralne banke, dostigao je stopu inflacije od 8% u odnosu na isti period prošle godine, što je iniciralo dodatni rast cijena i materijalnih troškova i proizvodnih i neproizvodnih usluga u odnosu na već ionako visoke cijene prouzrokovane kumulativnom stopom inflacije od 2021. godine do danas u visini od preko 30%. Neizvjesno je koji nivo će cijene energenata dostići do kraja 2023. godine i u 2024. godini. Visina svih materijalnih troškova, proizvodnih i neproizvodnih usluga prate rast stope inflacije i moraju se korigovati u planskim dokumentima.

Standard uposlenika, zbog općeg porasta cijena i posebno porasta cijena hrane i kućnih potrepština, vrlo ozbiljno je ugrožen. Osnovica za platu nije se mijenjala zadnjih desetak godina do jula ove godine, kada je neznatno uvećana za 11%. I nakon tog uvećanja, sadašnje realne plate zaposlenika su obezvrijeđene za 40% u odnosu na njihove realne plate u 2012.godini, tako da smo prinuđeni planirati izvjesno povećanje osnovice za platu kako bi zaustavili degradaciju životnog standarda uposlenika Preduzeća. Naravno, ne mislimo na povećanje za 40% jer takav rast rashoda ne možemo pratiti prihodima.

Cijene usluga Preduzeća nikada nisu kalkulirane na ekonomskim inputima već su prilagođene javnom interesu sportista, građana, djece, učenika, studenata, penzionera,,,, tako da bi njihovo eventualno

povećanje na bazi ekonomskih inputa vjerovatno izazvalo niz nepovoljnih akcija usmjerenih i na Bazen i na Grad Sarajevo. Kontinuirano pokušavamo da sa nadležnim ministarstvom i sa općinama dogovorimo korekciju visine troškova realizacije društveno-korisnih projekata škole plivanja kako bi amortizovali povećane troškove njihove realizacije, međutim, taj proces je vrlo neizvjestan i ne možemo sa sigurnošću znati kako će u konačnici završiti.

Bez obzira na naprijed navedene nepoznanice u vezi sa inputima kod projektovanja poslovanja Preduzeća, i dalje smo apsolutno sigurni da nivo kvalitete realizacije projekata i usluga neće, ni u kakvom scenariju, doći u pitanje.

Prema Elaboratu o održivosti rada zatvorenog bazena na Fakultetu sporta i tjelesnog odgoja Univerziteta u Sarajevu koji je u januaru 2022.godine sačinio i objavio Ekonomski institut u Sarajevu, utvrđena je i elaborirana relacija u omjeru 1:2,75 u vezi sa potrebnim budžetskim sredstvima koja obezbjeđuju održivost bazena na FASTO u odnosu na Olimpijski bazen Otoka. Elaboratom je projektovano da za održivost bazena na FASTO u prvoj godini poslovanja treba obezbijediti 936.425 KM budžetskih sredstava. Shodno projektovanoj proporciji 1:2,75 KM, za održivost Olimpijskog bazena Otoka potrebno je obezbijediti cca 2.500.000 KM budžetskih sredstava, što je značajno više od sada obezbijedenih sredstava granta za funkcionisanje Olimpijskog bazena Otoka.

U prilogu našeg budžetskog zahtijeva, koji smo ranije dostavili Gradskoj upravi, dostavili smo okvirnu projekciju poslovanja Preduzeća za 2023.godinu sa detaljno iskazanim pozicijama rashoda i prihoda do kraja godine i preliminarno projektovane rashode i prihode za 2024. godinu.

2.Projekat realizacije obuke neplivača učenika četvrtih razreda osnovnih škola u Kantonu Sarajevo (sufinansiranje provedbe Zakona o osnovnom odgoju i obrazovanju) – 50.000 KM (konto 614300)

Predlažemo da se u Budžetu Grada Sarajeva za 2024.godinu na poziciji 614300 obezbijede sredstva u iznosu od 50.000 KM za Projekat realizacije obuke neplivača učenika četvrtih razreda osnovnih škola u Kantonu Sarajevo.

Zakonom o izmjenama i dopunama Zakona o osnovnom odgoju i obrazovanju („Službene novine Kantona Sarajevo“, br. 23/17, 33/17, 30/19) definisano je da se škola plivanja i drugi specifični oblici nastave iz predmeta Tjelesni i zdravstveni odgoj organizuju u skladu sa Pravilnikom o organizaciji i realizaciji specifičnih oblika nastave iz predmeta Tjelesni i zdravstveni odgoj u osnovnoj školi („Službene novine Kantona Sarajevo“, broj 53/18).

Projekat je osmišljen i koncipiran tako da se na sistemski način jedinstvenim programom obezbijede uslovi za organizaciju škole plivanja za sve učenike četvrtih razreda osnovnih škola Kantona Sarajevo (cca 4200 učenika) koji bi se organizovao i realizovao po već potvrđenoj metodologiji na Olimpijskom bazenu Otoka. Na ovaj način ispoštovali bi naprijed navedene zakonske odredbe i projekat bi bio finansijski podržan iz budžeta Kantona, Grada i općina.

Podrška Grada Sarajeva u realizaciji ovog projekta (50.000 KM) višestruko bi stimulisala realizaciju ovog projekta i značajno pomogla u animiranju podrške iz budžeta svih kantonalnih općina i samog Kantona Sarajevo. Izostajanje podrške iz Budžeta Grada Sarajeva značajno će narušiti sam koncept projekta ali i finansijsku konstrukciju istog obzirom da će takav pristup Osnivača Preduzeća destimulisati budžetsku podršku ostalih nivoa vlasti u Kantonu.

U ovom projektu finansijska dobit je u drugom planu. Najveća vrijednost projekta je u tome što bi, uz podršku svih struktura vlasti na nivou Kantona i Grada, hiljade naših malih sugrađana naučilo

plivati.

Podsjećamo da Statutom Grada Sarajeva, član 16. alineja 8., Grad Sarajevo je nadležan za osnovno i srednje obrazovanje kao i da se Grad Sarajevo u prethodnim godinama u dva navrata uključio u finansiranje ovog društveno korisnog projekta sa po 50.000 KM.

3.Sufinansiranja sportskih takmičenja – 20.000 KM

Za sufinansiranje sportskih takmičenja koja bi se organizovala na Olimpijskom bazenu Otoka u 2024. godini predlažemo da se u Budžetu Grada Sarajeva za 2024. godinu odobre sredstva u visini od 20.000 KM.

Povodom promocije plivačkih sportova u Gradu Sarajevu, već nekoliko godina organizuje se plivački turniri „Sarajevu s ljubavlju“, „Sarajevo Aquatics“ i „Mladi za mlade“ u organizaciji PK Bosna, PK GKVS i PK Sport Time kao i suorganizaciji JP „Olimpijski bazen Otoka" d.o.o. Sarajevo.

Gore spomenuti plivački turniri su događaji u kojima učestvuju mladi plivači i plivačice iz nekoliko klubova sa područja Grada Sarajeva, države BiH i regiona, koji na taj način bruse svoje vještine i sa svojim vršnjacima razmjenjuju iskustva, kako bi jednog dana mogli osvajati medalje na evropskim i svjetskim prvenstvima, kao i Olimpijadi. Lana Pudar, Iman Avdić, Amina Kajtaž, paraolimpijci Ismail Barlov i Ismail Zulfić i mnogi drugi su rezultat ovakvog pristupa izgradnje vrhunskih sportista.

Obzirom na velike troškove organizacije plivačkih turnira, molimo da dotacijom sa odgovarajuće pozicije iz Budžeta Grada Sarajeva u visini od 10.000,00 KM podržite organizaciju ovih društveno korisnih takmičenja koji na adekvatan način promoviše sport, mladost, Grad Sarajevo i državu Bosnu i Hercegovinu.

Također molimo da dotacijom od 10.000 KM podržite i organizaciju tradicionalnog vaterpolo turnira evropskih prvaka „Sarajevo Champions Challenge 2024“ koji se već petnaestak godina održava u organizaciji Olimpijskog bazena Otoka i Vaterpolo saveza Kantona Sarajevo.

4.Sufinansiranje Projekta „Aktivno i zdravo starenje – plivanje za osobe treće životne dobi“ – 25.000 KM

Predmet projekta je unaprjeđenje zdravlja građana Sarajeva starije dobi putem stručno vođenih vježbi u vodi i rekreacije.

Projekat se u kontinuitetu realizuje na Olimpijskom bazenu Otoka od 2009.godine kao sastavni dio projekta „Sarajevo - zdrav grad" koji je započet sa realizacijom od strane Gradskog vijeća i Gradske uprave odlukom Upravnog odbora i Savjetodavnog komiteteta Mreže zdravih gradova Svjetske zdravstvene organizacije od 10. oktobra 2007. godine kad je Grad Sarajevo imenovan punopravnim članom u IV fazi Evropske mreže zdravih gradova SZO. Sarajevo je, u tom periodu, sa izuzetkom Zagreba i Rijeke, bio jedini grad iz regiona jugoistočne Evrope, koji je kao punopravni član uključen u ovu asocijaciju.

Zdravstveno odgovorno ponašanje stanovništva je jedna od značajnih odrednica zdravlja. Broj i vrsta oboljenja tokom životnog ciklusa, organizacija svakodnevnih aktivnosti te zadovoljavanje životnih potreba uveliko su predodređeni odlukama lokalnih vlasti koje kreiraju okvir za zdravstveno ponašanje. Većina socijalnih razlika u zdravlju počiva na razlikama u životnim stilovima i ponašanju prema vlastitom zdravlju. Unatoč suženim mogućnostima za izbor zdravstveno odgovornog ponašanja, Grad Sarajevo je nastajao i treba kreirati nove i podržati sve postojeće edukativne sadržaje – od prevencije poremećaja u ishrani, različitih oblika ovisnosti, zaustavljanja porasta nezaznih oboljenja do popularizacije aktivnog životnog stila za sve dobne grupe građana.

Projekat za unaprjeđenje zdravlja građana Sarajeva starije životne dobi obuhvatit će zainteresirane građane i građanke nastanjene na području općina Stari Grad, Centar, Novo Sarajevo i Novi Grad kod kojih je pregledom od strane ljekara utvrđeno da nema zdravstvenih kontraindikacija za rekreativna plivanje, vježbanje u vodi, pilates i plesni aerobik.

Trajanje projekta je godina dana januar – decembar 2024. godine). Korisnici projekta bi dolazili: ponedjeljak - srijeda, utorak - četvrtak ili petak - nedjelja u vremenskom periodu od 10:00 do 12:00 sati. Spiskove korisnika po danima će sastaviti uposlenici Bazena.

U 2023. godini (do oktobra) po ovom projektu registrovano je 740 mjesečnih participacija lica treće životne dobi.

Cilj projekta je poboljšanje fizičkog i mentalnog zdravlja građana Sarajeva starije dobi. Prijedlog je da se iz Budžeta Grada Sarajeva ovaj projekat finansira sa 25.000 KM.

5. Projekat rehabilitacije i vježbanja u vodi za boračku populaciju, RVI Udruženje logoraša Kantona Sarajevo – 20.000 KM

U cilju proširenja kontinuiranih aktivnosti Olimpijskog bazena Otoka za zadovoljenje javnog interesa građana Grada i Kantona Sarajevo, ove godine je pokrenut Projekat rehabilitacije i vježbanja u vodi za boračku populaciju, RVI i članove Udruženja logoraša Kantona Sarajevo na Olimpijskom bazenu Otoka, koji planiramo implementirati i u narednoj 2024. godini. Projekat je, kao i ove godine, planiran da se finansira iz budžeta Grada Sarajeva (20.000 KM) i budžeta Boračkog ministarstva KS (52.000 KM).

Osnovni cilj projekta je rehabilitacija i vježbanje u vodi za boračku populaciju, ratne vojne invalide i članove Udruženja logoraša sa područja Kantona Sarajevo, a sve s ciljem očuvanja i poboljšanja fizičkog i mentalnog zdravlja, kao socijalizacija putem druženja, rehabilitacije terapijskog vježbanja u ugodnom okruženju.

Na osnovu niza naučnih istraživanja, došlo se do zaključka da redovna fizička vježba proizvodi pozitivan utjecaj na mentalno zdravlje čovjeka. Stoga može se reći da je tjelesna aktivnost praktično najefikasniji način kojim direktno i indirektno utičemo na naše zdravlje. Upravo zbog tih činjenica, vježbanje u vodi kao rehabilitacijsko sredstvo ima vrlo široku primjenu, a njena terapijska djelovanje zasniiva se na fizičkim karakteristikama, termičkim i mehaničkim efektima (plivanje i hidrokineziterapija).

Imajući u vidu da kompleks Olimpijskog bazena Sarajevo pored tehničko-tehnoloških uslova, posjeduje i visoko educiran stručni kadar u oblasti kineziologije, ovim Projektom se nudi kvalitetan program rehabilitacije i vježbanja u vodi za boračku populaciju, RVI i članove Udruženja logoraša pod nadzorom multidisciplinarnog tima stručnjaka.

U mnogim razvijenim zemljama svijeta, ratni veterani i populacija RVI, kao i članovi Udruženja logoraša je populacija visoko cijenjena i poštovana u društvu. Njihove ratne zasluge u periodu rata i odbrane zemlje u kriznim periodima bile su od iznimne važnosti. Upravo zbog tih činjenica, nameće se potreba za njihovom rehabilitacijom i tjelovježbom, čime se značajno može pomoći u prevenciji bolesti, sprječavanju pojave depresije, oporavak od depresivnog stanja, poboljšanja raspoloženja, smanjenja anksioznosti, poboljšanja koncentracije te tako stvoriti uslove da se osjećaju sretnijim.

Ukupni troškovi realizacije ovog projekta za 2024. godinu iznose 72.000 KM i finansirali bi se iz Budžeta Grada Sarajeva za 2024. godinu u visini od 20.000 KM i iz budžeta Boračkog ministarstva Kantona Sarajevo u visini od 52.000 KM.

6. Prijedlog investiciono sanacionih ulaganja u objekat i bazensku tehniku – 861.000 KM

Predlažemo da se na odgovarajućim pozicijama za kapitalna ulaganja Budžeta Grada Sarajeva za

2024.godinu obezbijede adekvatna sredstva za investiciona i sanaciona ulaganja u cilju zamjene i sanacije tehničko-tehnoloških sistema objekta i bazenske tehnike koji su zbog petnaestogodišnje svakodnevne eksploatacije u potpunosti amortizovani i koji zahtijevaju urgentnu sanaciju ili zamjenu kako bi objekat i u narednom periodu funkcionalno obezbjeđivao ostvarenje javnog interesa građana Sarajeva.

Podsjećamo na sljedeće činjenice:

- da se objekat i bazenska tehnika (svi sistemi, uključujući i klima komore, filterske sisteme, plinsku stanicu i instalacije, krovnu konstrukciju, sistem kontrole i evidencije ulaska u objekat,...itd) kontinuirano koriste svakodnevno 24 sata već 15 godina (od augusta 2008. godine) te da je kompletna oprema u potpunosti amortizovana, a neki sistemi još uvijek opstaju samo zbog redovnog tekućeg održavanja i potrebno ih je vrlo brzo zamijeniti;
- da je objekat i oprema u vlasništvu Grada, a ne Preduzeća, i da treba poduzeti koordiniranu akciju Gradskog vijeća, Gradske uprave i svih organa Preduzeća u cilju završetka i sanacije vitalnih sistema u objektu, ukoliko želimo da objekat i dalje uspješno funkcioniše i zadovoljava javni interes građana Sarajeva;
- da je uskoro vrlo realno očekivati zastoje i prekid u radu objekta zbog kolapsa vitalnih sistema ukoliko se urgentne ne obezbijede sredstva i poduzmu neophodni koraci u cilju sanacije i zamjene postojećih amortizovanih i izraubovanih tehničko tehnoloških sistema u objektu Olimpijskog bazena Otoka.
- da su iz kredita Razvojne banke za potrebe investicionih ulaganja na objektu Olimpijskog bazena Otoka u zadnje dvije godine bila odobrena sredstva u Budžetu Grada Sarajeva u visini od 630.000 KM ali da su ista, zbog odustajanja od investicije zatvaranja terase objekta, preusmjerena ove godine na druge projekte izvan Bazena te smatramo da navedena sredstva treba ponovo namijeniti na naprijed navedene prioritete investicione zahvate na objektu i bazenskoj tehnici U nastavku samo taksativno dajemo pregled prioriteta investicionih i sanacionih ulaganja za koja se urgentno trebaju obezbjeđiti navedena procijenjena sredstva kako bi se pobrojani tehničko- tehnološki sistemi i dalje mogli nesmetano i funkcionalno koristiti.

Sistemi bazenske tehnike i opreme za održavanje kvaliteta bazenske vode:

- Jedan novi i popravka 2. analizatora mikroprocesorske aut. reg. parametara baz. vode – 20.000 KM,
 - Zamjena regulacionih ventila, vakuum regulatora i raznih sondi u hlornoj stanici i sistemu – 15.000 KM,
 - 6 novih dozirnih pumpi Grunfos za regulaciju flokulanata i pH vrijednosti bazenske vode – 15.000 KM,
 - UV lampa za mali bazen na sistemu baz. tehn. za poboljšanje higijene sanitarnih uslova – 55.000 KM.
 - Zamjena kvarcnog pijeska-ispune u mehaničkim filterima bazenske tehnike-mali bazen – 30.000 KM.
- Ukupno 5 stavki: 135.000 KM

Popravke i eliminisanje oštećenja-dotrajalosti i na vanjskoj i unutrašnjoj konstrukciji krova objekta:

- Rekonstrukcija na krovnim površinama ,izrada pristupne staze i prosijecanje snjegobrana – 15.000 KM,
 - Radovi na poboljšanju unutrašnje noseće čelične konstrukcije (segmenti) krova „Mero“ – 25.000 KM,
 - Zamjena halogenskih svjetiljki na konstrukciji plivališta sa efikasnijim led reflektorima – 15.000 KM,
 - Sanacija hidroizolacije na ploči ispred službenog ulaza na objekat-sjeverna strana – 20.000 KM,
 - Sanacija hidroizolacije na ravnom dijelu krova na sjevernoj i na južnoj strani objekta – 20.000 KM.
- Ukupno 5 stavki: 90.000 KM

Elektronska i video kontrolu ulaska na objekat, odnosno naplatu pojedinih vrsta bazenskih usluga:

- Instalacija novog softera Metra s ugradnjom pripadajućih računara i opreme na blagajni – 20.000 KM,

- Novi elek. tripod sa trokrakim mehanizmom, čitač katica i gutač narukvica sa montažom – 20.000 KM,
- Van objekta je nabavka-montaža novog parking sistema, softvera, ulazno-izlazne rampe – 30.000 KM,
- Nabavka i montaža parkomata sa instaliranjem na parking sistem za naplatu usluga – 25.000 KM,
- Projektovanje i instaliranje mrežnih sistema za lokalnu računarsku mrežu na objektu – 6.000 KM.

Ukupno 5 stavki: 101.000 KM

Potrebe pratećih sportsko-rekreativnih sadržaja i podrška edukativnim projektima na objektu:

- Nabavka i ugradnja kompaktnih ormarića sa bravicama za ostavljanje garderobe – 60.000 KM,
- Nabavka baterijske mašine za kupljenje vode i održavanja podnih površina na objektu – 10.000 KM,
- Nabavka i montaža inoks-čelične platforme za projekte škole plivanja sa projektima – 110.000 KM,
- Nabavka novog robotiziranog usisivača za podvodnog čišćenje 2 bazena s konzolom – 40.000 KM,
- Rekonstrukcija kanala odsisa i produljenje do gornjih zona zračnog prostora prstena – 40.000 KM.

Ukupno 5 stavki: 260.000 KM

Za poboljšanje kvaliteta elektronskog mjerenja plivačkih i vaterpolo takmičenja na plivalištu objekta:

- Nabavka i montaža novog animacijskog semafora za sportska takmičenja – 100.000 KM,
- Nabavka i montaža novog sistema razglasa – ozvučenja na plivalištu i po kancelarijama – 40.000 KM,
- Nabavka rezervnih komponenti elektronske mjerne opreme za sportska takmičenja – 10.000 KM.

Ukupno 3 stavke: 150.000 KM

Sve cijene su navedene prema posljednjim ponudama sa tržišta i podliježu konstantnim izmjenama. Sve navedene investicije u objekat, bez PDV-a iznose cca 736.000 KM, tj. sa PDV-om 861.000 KM. Ako bismo navedena investiciona ulaganja reducirati na najprioritetnija, opredijelili bismo se na prve 4 cjeline, odnosno prvih 20 stavki, što bi ukupno iznosilo cca 586.000 KM, sa PDV-om 686.000 KM. Podsjećamo da su ukupne investicije u objekat do početka rada iznosile cca 16.600.000 KM, sa PDV-om, tako da ima još tehničkih cjelina i segmenata opreme, koje trenutno dobro rade i zadovoljavaju tehničke standarde i propise i nisu prioritet u ovom dokumentu, ali se mogu zamijeniti, ako se obezbijede sredstva.

Zaključak

Iznos zahtijevanih potrebnih budžetskih sredstava iz Budžeta Grada Sarajeva za 2024. godinu za Olimpijski bazen Otoka, uz vlastite prihode i adekvatnu potporu i finansiranje projekata razvoja vodenih sportova i drugih programa od strane nadležnih ministarstava Kantona Sarajevo i gradskih i vangradskih općinskih struktura, objektivno može obezbijediti projektovani i zahtijevani nivo funkcionalnosti ovog objekta i zadovoljenje javnog interesa građana i gostiju grada Sarajeva.

Podsjećamo da je u samoj ideji izgradnje ovog objekta prevladavao pristup da se zadovolje tri osnovne namjene objekta: takmičarska-sportska, edukativna i rekreativna. Podsjećamo, također, da su ovakvi objekti kao i projekti koji se u njima realizuju uglavnom neprofitabilni i da se najvećim dijelom dotiraju od strane društvene zajednice, bez obzira što će se u segmentu poslovanja koji se odnosi na rekreaciju građana ostvarivati određeni nivo vlastitih prihoda.

Ponovo napominjemo da se objekat i bazenska tehnika već 15 godina svakodnevno 24 sata eksploatišu te da je kompletna oprema u potpunosti amortizovana, a neki sistemi opstaju uz velike napore u održavanju istih i potrebno ih je hitno zamijeniti. U narednom vrlo kratkom periodu vrlo realno je očekivati zastoje i prekid u radu objekta zbog kolapsa vitalnih sistema ukoliko se urgentno ne obezbijede sredstva i poduzmu neophodni koraci u cilju sanacije i zamjene postojećih potrošenih i izraubovanih tehničko-tehnoloških sistema u objektu Olimpijskog bazena Otoka.

Objekat i oprema su u vlasništvu Grada, a ne Preduzeća, i neophodno je odmah koordinirano poduzeti korake od strane Gradskog vijeća, Gradske uprave i svih organa Preduzeća u cilju obezbijedenja sredstava u Budžetu Grada za završavanje i sanaciju vitalnih sistema u objektu, ukoliko želimo da

objekat opstane i u narednim godinama i dalje uspješno funkcioniše i zadovoljava javni interes građana Sarajeva.

Smatramo da je, kao prvi korak, neophodno urgentno ponovo usmjeriti na investiciono sanacione zahvate na objektu i opremi Bazena sredstva iz kredita Razvojne banke u visini od 630.000 KM, koja su u budžetima zadnje dvije godine bila namijenjena za investiciona ulaganja na Olimpijskom bazenu a kasnije preusmjerena za druge projekte.

Neracionalna je graditi nove bazene i istovremeno ignorisati probleme i potencijalni kolaps postojećeg uspješnog objekta na kojem su mnogi mališani po prvi put zaplivali i mnogi mladi ljudi svoj mladalački entuzijazam i ambiciju testirali i iskazali u sportskom takmičarskom plivanju. Uspjeh Lane Pudar, kojom se svi ponosimo, je samo rezultanta i kvalitet koji je proizišao iz kvantiteta mnogih mladih plivača i plivačica koji su imali sreću da postoji infrastruktura u kojoj mogu trenirati i takmičiti se sa svojim vršnjacima.

Stav predlagača:

Predloženi prijedlog se ne prihvata jer na osnovu trenutnih prihoda Gradska uprava nije u mogućnosti da poveća dotaciju za JP Olimpijski bazen Otoka.

Nesporna je činjenica da je u pitanju Javno Preduzeće koje iziskuje podršku svake vrste i Gradska uprava Grada Sarajeva je o ovome uvijek vodila računa. Naravno, ukoliko objektivne mogućnosti budu dozvoljavale, nastojat će se dati doprinos ili kroz podrške određenim projektima koji nam se ponude sufinansiranjem ili na drugi prihvatljiv način.

2. Vijeće roditelja Javne ustanove „Djeca Sarajeva“ Sarajevo

Ovim putem Vam se obraćamo ispred Vijeća roditelja Javne ustanove „Djeca Sarajeva“ Kantona Sarajeva koju pohađa trenutno preko 5 000 djece. U okviru Javne ustanove „Djeca Sarajeva“ trenutno je u funkciji 37 vrtića raspoređenih u četiri organizacione jedinice i isti se nalaze na području svih općina u Kantonu Sarajevo (isključujući Općinu Trnovo).

Javna ustanova „Djeca Sarajeva“ je institucija od posebnog društvenog značaja koja se bavi odgojem, obrazovanjem, smještajem i brigom o djeci uzrasta od 6 mjeseci do polaska u školu i na specifičan način doprinosi razvoju društva u znatnoj mjeri. S tim u vezi, može se zaključiti da je JU „Djeca Sarajeva“ jedna od najvećih javnih institucija Kantona Sarajevo, sa enormnim društvenim uticajem, te se ista posmatra kao pokretač društvenog razvoja i ogledalo istog.

Kako bi omogućili svojim najmlađim stanovnicima boravak u prostorijama dostojnim svakog djeteta u 21. vijeku, šaljemo Vam prijedloge utvrđene na sjednici Vijeća roditelja JU „Djeca Sarajeva“ održanoj 28.11.2023, a nakon obavljenih konsultacija sa roditeljima svih vrtića pomenute Ustanove, u svrhu uvrštavanja istih u plan finansiranja u okviru budžeta Grada Sarajeva za 2024. godinu.

Uzimajući u obzir Vašu dokazanu volju da Grad Sarajevo pomogne u stvaranju ljepšeg ambijenta za naše najmlađe stanovnike, te da ste uvijek imali sluha za njihove potrebe, dostavljamo Vam i prijedloge sačinjene ispred predstavnika roditelja u Vijeću roditelja vrtića sa područja općine Vogošća, iako ista nije u sastavu Grada, ali koja predstavlja vrlo bitno kariku u njegovom društveno-ekonomskom razvoju.

Stav predlagača:

Predloženi prijedlog se ne prihvata jer Gradska uprava Grada Sarajevo trenutno radi na realizaciji izgradnje i rekonstrukcije dva vrtića čiji će troškovi iznositi približno 3.500.000 KM. Na osnovu trenutnih prihoda Gradska uprava nije u mogućnosti da poveća dodatna izdvajanja sredstava za potrebe rekonstrukcije i adaptacije drugih vrtića.

Nesporna je činjenica da je Grad Sarajevo u proteklom periodu finansirao različite projekte po pitanju izgradnje i adaptacije kako vrtića tako i igrališta za djecu. Naravno, ukoliko objektivne mogućnosti budu dozvoljavale, nastojat će se dati doprinos ili kroz podrške određenim projektima koji nam se ponude sufinansiranjem ili na drugi prihvatljiv način.

3. Javna ustanova OŠ „Malta“ Vijeće roditelja

Prijedlog br. 1.: Ugradnja niše za kontejnere kako bi se isti uklonili iz dvorišta Škole

Opis: Potrebno je izgraditi nišu za kontejnere u blizini škole, kako bi se kontejneri za smeće pomjerali iz dvorišta škole na novu lokaciju. Na trenutnoj lokaciji smetaju i šire mirise u toku ljetnih dana.

Prijedlog br. 2.: Izmještanje stuba javne rasvjete sa glavnog ulaza u Školu na novu lokaciju

Opis: Dugi niz godina OŠ „Malta“ pokušava da uradi izmještanje stuba javne rasvjete koji se nalazi ispred glavnog ulaza u Školu, čime je blokiran prilaz autobusima u dvorište (prilikom organizacije putovanja, izleta i slično). Na ovaj način autobusi su primorani da se parkiraju na ulicu i ista ostaje djelomično blokirana do polaska autobusa. Stub bi trebalo pomjeriti 10 metara, kako ista ne bi blokirala ulaz, a njena funkcionalnost bi ostala ista.

Prijedlog br. 3.: Nabavka uniformi za djecu koja pohađaju OŠ „Malta“

Opis: Ideja o nabavci uniformi za djecu postoji već duži niz godina, međutim ista nije nikada realizovana s obzirom da roditelji nisu u mogućnosti sami da finansiraju nabavku uniformi za svoju djecu. I ako osnovne škole nisu u ingerenciji Grada, OŠ „Malta“ se nalazi na teritoriji Grada Sarajevo, gdje žive i roditelji djece koja pohađaju ovu školu. Kupovinom uniformi riješio bi se djelomično problem vršnjačkog nasilja i zadirkivanja zbog razlika u oblačenju, a što je prisutno pogotovo od 5. do 9. razreda. Ukoliko Grad nije u mogućnosti da izdvoji sredstva za nabavku svih uniformi, napravili bi mogućnost da Grad sufinansira nabavku zajedno sa roditeljima. Procjena je da jedna uniforma (4 polo majice, dvije kratki i dvije dugih rukava) sa printom loga škole (po želji i Općine Novo Sarajevo) košta oko 70 KM. Školu trenutno pohađa 760 učenika, što znači da bi za realizaciju ove inicijative bilo potrebno obezbijediti 53.200 KM. Ukoliko bi se za djecu nabavljale samo kecelje, potreban iznos sredstava bi bio značajno manji.

Prijedlog br. 4.: Finansiranje proširenja kapaciteta/nadogradnje OŠ „Malta“

Opis: Osnovna škola „Malta“ već odavno ima problem sa ograničenim kapacitetima za održavanje nastave svih odjeljenja koji postoje u školi, jer se broj učenika zadnjih godina konstantno povećavao. Problem, zbog manjka učionica, postoji u održavanju redovne nastave, ali i nastave u produženom boravku. Nadogradnja škole – izgradnja dodatnog objekta pored postojećeg, omogućila da se nastava održava bez problema sa kapacitetima i manjkom prostorija. Proces nadogradnje je već u toku, u toku 2024. godine je planirana izrada idejnog projekta i početak gradnje. Bilo bi odlično ukoliko bi Grad Sarajevo sufinansirao ovaj projekat sa 200.000 KM.

Stav predlagača:

Prijedlozi koji su predloženi ispred Vijeća roditelja OŠ Malta iako su uglavnom opravdani, jer realne potrebe za istim postoje, se ne mogu prihvatiti iz razloga što je Grad Sarajevo započeo niz istih ili sličnih projekata, a nivo raspoloživih sredstava u Budžetu nije dovoljan da finansira navedene prijedloge. Naravno, ukoliko objektivne mogućnosti budu dozvoljavale, nastojat će se dati doprinos ili kroz podrške određenim projektima koji nam se ponude sufinansiranjem ili na drugi prihvatljiv način.

V OČITOVANJE GRADSKO SLUŽBE FINANSIJA NA NACRT BUDŽETA GRADA SARAJEVA ZA 2024. GODINU

Ukupni prihodovni potencijal u Prijedlogu Budžeta Grada Sarajeva za 2024. godinu iznosi 20.660.500 KM što je u odnosu na Nacrt Budžeta Grada Sarajeva za 2024. godinu više za 1.025.000 KM odnosno 5,22%.

U strukturi ukupnih prihoda došlo je do povećanja po osnovu Poreza na promet nepokretnosti i prava. U periodu između Nacrta i prijedloga budžeta praćeno je ostvarenje ovih prihoda, i pokazalo je da će njihovo ostvarenje u 2023 godini biti u planiranom iznosu, a svi pokazatelji kao i trenutno stanje na tržištu kada je u pitanju promet nekretnina pokazuje da će u 2024 godini biti porast. Na osnovu navedenog prihod po ovom osnovu je uvećan za 100.000 KM.

Uvidom u revidirani finansijski plan poslovanja JP Sarajevo je vidljivo da je za period 01.01-30.10.2023 godine preduzeće ostvarilo dobit. Obzirom da je Grad Sarajevo u 2023 godini ostvario prihod po osnovu prihoda od dividendi i udjela u profitu u javnim preduzećima i finansijskim institucijama, izvjesno je da će Grad po ovom osnovu ostvariti prihod i u 2024 godini jer sveukupno poslovanje JP Sarajevo pokazuje da će u budžetskoj 2023. godini poslovati sa ostvarenom dobiti. Cijeneći gore navedeno, u Prijedlogu budžeta Grada Sarajeva za 2024 godinu planirano je 800.000 KM prihoda od dividendi.

Temeljem Odluke Federacije i potpisanog ugovora o dodjeli potpore iz Budžeta Federacije BiH, Federalno ministarstvo finansija je u decembru mjesecu Gradu Sarajevo dodijelio 125.000 KM. Obzirom da ova sredstva neće se moći iskoristiti do kraja tekuće godine ista su prikazana u Prijedlogu budžeta Grada Sarajeva za 2024 godinu.

Prihodovna strana Prijedloga budžeta Grada Sarajeva za 2024. godinu u odnosu na Nacrt nije se mijenjala u dijelu ostalih prihoda, jer nije imala opravdan osnov za povećanje. Posebno kada se radi o prihodima od indirektnih poreza koji imaju najveće učešće u strukturi ukupnih prihoda Grada Sarajeva, te isti su zadržani na nivou koji je predviđen kroz Nacrt budžeta Grada Sarajeva. Naime prilikom pripreme Nacrta budžeta Grada Sarajeva za 2024. godinu Federalno ministarstvo finansija je dostavilo revidirane projekcije javnih prihoda za 2023. godinu i projekcija za period 2024.-2026. godina (broj: 05-12-5-3617/23-2 od 20.10.2023. godine), a koje su zasnovane na zadnjim zvaničnim makroekonomskim prognozama. Nove projekcije indirektnih poreza su pokazale porast u odnosu na prethodne projekcije i to u iznosu 96.553 KM, te su iste uvrštene i prikazane u Nacrtu budžeta.

Sindikalna organizacija Grada Sarajeva Sporazumom broj: 01-11-7817/23 od 01.12.2023. godine je sa gradonačelnicom utvrdila osnovicu odnosno minimalnu satnicu za obračun plate za 2024. godinu, te na osnovu potpisanog Sporazuma dio prihoda od porasta je raspoređen na konto plata i doprinosa i dugih pozicija koje su usko vezane za povećanje osnovice.

U Zakonu o profesionalnoj rehabilitaciji, osposobljavanju i upošljavanju osoba s invaliditetom stoji da subjekti koji ne ispune obvezu zapošljavanja osoba sa invaliditetom dužni su mjesečno pri isplati plata obračunati i uplatiti u Fond za poticanje rehabilitacije i upošljavanja osoba s invaliditetom novčani iznos u visini 25% prosječne plate u Federaciji, za svaku osobu s invaliditetom koju su bili dužni uposliti. Obzirom da Grad Sarajevo zapošljava samo dvije osobe koje ispunjavaju kriterij invalidnih lica, u obavezi je da se planiraju sredstva u ove svrhe. Obzirom na navedeno planirana su sredstva u iznosu 20.000 KM.

Preostali dio je raspoređen na prihvaćene prijedloge učesnika u javnoj raspravi, kao i na projekte koje Grad Sarajevo realizuje.

Prijedlog budžeta Grada Sarajeva za 2024. godinu dostavljen je Kantonalnom ministarstvu finansija na mišljenje. Kantonalno ministarstvo finansija dalo je Mišljenje, u kojem je konstatovalo da je Služba finansija Grada Sarajeva ispoštovala odredbe člana 33. stav (1), kao i fiskalno pravilo iz člana 43. stav (1) Zakona o budžetima u Federaciji Bosne i Hercegovine, te dalo pozitivno mišljenje na Prijedlog Budžeta Grada Sarajeva za 2024 godinu.

Bitno je spomenuti da je predlagač prilikom kreiranja Nacrta i Prijedloga budžeta Grada Sarajeva za 2024 godinu uvažila i primijenila predložene primjedbe Ureda za reviziju FBiH. U izvještaju Ureda za reviziju jedna od primjedbi revizije se odnosila na poštivanje odredbe Zakona o budžetima u FBiH u dijelu koji se odnosi na rokove izrade budžeta, planiranje deficita eventualno suficita. Također, u prijedlog Budžeta Grada Sarajeva za 2024. godinu je uvrštena funkcijska klasifikacija odnosno klasifikacija rashoda u skladu s namjenom. Prikazana je u prijedlogu budžeta na način da se svakom projektu odnosno aktivnosti (kao najnižim kategorijama programske klasifikacije) u planu dodjeli funkcija odnosno funkcijska oznaka i time jasno odredi namjena rashoda.

U toku javne rasprave nadležne službe su izvršile usklađivanje naziva određenih udruženja sa registrom udruženja i fondacija u BiH. U tabelarnom dijelu je vidljivo koji nazivi udruženja su izmijenjeni, odnosno usklađeni.

NACRT BUDŽETA GRADA SARAJEVA	PRIJEDLOG BUDŽETA GRADA SARAJEVA
Udruženje „Obrazovanje građi Bosnu i Hercegovinu“	Udruženje „Obrazovanje građi Bosnu i Hercegovinu - Jovan Divjak“
Asocijacija nezavisnih intelektualaca „Krug 99“	Udruženje "Asocijacija nezavisnih intelektualaca - Krug 99"
Projekat "Sigurna kuća"	Projekat "Sigurna kuća" - Fondacija lokalne demokratije
Udruženje generala Armije BiH	Udruženje generala Bosne i Hercegovine
UG Gorska služba spašavanja Trebević	Udruženje Gorskog služba spašavanja Trebević
Udruženje slijepih i slabovidnih KS	Udruženje slijepih KS
Časopis "zvučne novine" Udruženje slijepih i slabovidnih KS	Časopis "Zvučne novine" Udruženje slijepih KS
Memorijalni centar Srebrenica-Potočari, Obilježavanje 11. Jula	Memorijalni centar Srebrenica-Potočari obilježje i mezarje za žrtve genocida iz 1995. godine, Obilježavanje 11. Jula
Fondacija mreže	Fondacija Mreže
Udruženje Kupujmo i koristimo domaće	Udruženje Kupujmo i koristimo domaće - kvalitetno proizvedeno u BiH
Udruženje Kultura Media - Projekat - Think freedom 1425 - Dani opsade Grada Sarajeva po Odluci gradskog vijeća	Dani opsade Grada Sarajeva po Odluci gradskog vijeća

U odluci o izvršavanju Budžeta Grada Sarajeva za 2024 godinu urađene su izmjene kako slijedi: U članu 16. Prijedloga Odluke o izvršavanju Budžeta Grada Sarajeva za 2024. godinu, dodaje se stav (4) i glasi „Osnovica i bod iz stava (3) ovog člana Odluke za 2024. godinu utvrđeni su Sporazumom o osnovici i bodu za obračun plata u organima Grada Sarajeva za 2023. godinu, broj: 01-11-7817/23 od 01.12.2023. godine, zaključenim između gradonačelnice Grada Sarajeva i Sindikalne organizacije organa Grada Sarajeva“.

VI IZVOD IZ STENOGRAMA SJEDNICE GRADSKOG VIJEĆA GRADA

Tačka 28.

Nacrt Budžeta Grada Sarajeva za 2024. godine.

Predsjedavajući Gradskog vijeća Grada Sarajeva Jasmin Ademović: Predlagač materijala je Gradonačelnica. Materijal je razmatrao Odbor za budžet i finansije, te Administrativna komisija i Komisija za Statut i akte. Da li je potrebno uvodno izlaganje? S obzirom da nije, otvaram raspravu. Vijećnica Lazarević izvolite.

Gradska vijećnica Grada Sarajeva Biljana Lazarević: Hvala Predsjedavajući. U ovom Nacrtu ono što je meni zaista bilo jako bitno je i više puta se ponavljalo da je u skladu sa Strategijom Grada urađen ovaj način Budžeta, pogotovo sa stavkom da smo mi otvoren grad, efikasna, transparentna i odgovorna gradska administracija. Također sam primijetila, a to bih voljela samo da mi objasni Gradonačelnica ili kolega Kutlovac koji je pripremao ovo, da li sam dobro vidjela da će udruženja i institucije od kulturnog i javnog značaja odnosno udruženja sada novac dobivati preko javnog poziva? Ako je tako ja zaista bih to pohvalila. Također bih samo dodala jednu stavku, znači prilog javnoj raspravi što se tiče projekata, predložila bih da se u ovaj Nacrt uvrsti i Projekat medicinska čista soba u objektu Zavoda za transfuzijsku medicinu BiH. Ukupna potrebna finansijska sredstva za ovo su

265 000 konvertibilnih maraka. Samo ću vam kratko reći cilj projekta, to je unapređenje liječenja pacijenata i edukacija medicinskog osoblja unutar BiH i regiona kao referentni centar. Nabavka i izrada posebne medicinske opreme u vidu čiste sobe za transplantacijske procedure i adekvatno standardizacija kvalifikacija čistog prostora, kontrola i nadzor sigurnosnog pristupa u banci tkiva, unapređenje kvalitete sigurnosti i ocjene krajnjeg produkta autoloških matičnih ćelija. Projekat je od ključne važnosti za nastavak rada unutar zakonskih regulativa. Ciljne grupe su hemato onkološki pacijent liječi i odrasle populacije, osoblje Zavoda i Kliničkog centra, osoblja drugih transfizioloških centara. Ostale projekte ću naravno dostaviti kroz javnu raspravu koja će nadam se, biti vrlo uskoro. Što se toga tiče toliko od mene za ovu diskusiju. Hvala.

Predsjedavajući Gradskog vijeća Grada Sarajeva Jasmin Ademović: Zahvaljujem vijećnici Lazarević. Gradonačelnice izvolite.

Gradonačelnica Grada Sarajeva Benjamina Karić: Zahvaljujem se uvaženi Predsjedavajući, zahvaljujem se uvaženoj gradskoj vijećnici gospođi Lazarević. Ja ću iskoristi priliku da odgovorim na pitanja. Kada smo počeli ovaj mandat mi smo se obavezali na transparentnost. Potpisali smo sporazum odnosno ugovor sa Uredom za borbu protiv korupcije i nekako od početka je naš cilj da rad Gradske uprave bude u potpunosti transparentan. Jedan korak dalje ka transparentnost je zapravo i planiranje Budžeta koji će biti organiziran na taj način da se novac za sport, udruženja, kulturu dijeli isključivo javnim pozivom. Tako da je to najveća promjena u odnosu na sve dosadašnje budžete, dakle odgovor je da idemo isključivo u dodjelu sredstava po osnovu javnih poziva. A po pitanju vaših prijedloga, odnosno vašeg možemo reći amandmana, prilog javnoj raspravi za Nacrt budžeta smatram ga izuzetno korisnim, izuzetno opravdanim sa posebnom radošću ćemo učestvovati u navedenom, budući da bijela soba Zavoda za transfuziologiju Federacije, upoznata sam sa radom zavoda mi smo imali priliku na početku mandata prilikom prodaje službenog vozila koje je bilo korišteno od strane gradonačelnika upravo jedan iznos donirati kako bi se kupilo vozilo za Zavod za transfuziologiju. To su heroji, to su ljudi koji vrijedno rade svoj posao, a bijela soba o kojoj govorite to je soba koja bukvalno pomažu u spašavanju života tako da sam sigurna da učešćem u vašoj inicijativi za finansijsku podršku, podršku za opremanje bijele sobe mi zaista direktno pomažemo u spašavanje života, tako da ću svakako predložiti u Nacrtu Budžeta da se ovaj projekat podrži jer je izuzetno važan i hvala vam na tome, hvala vam što ste delegirali ovo pitanje, taj projekat Gradskom vijeću.

Predsjedavajući Gradskog vijeća Grada Sarajeva Jasmin Ademović: Zahvaljujem uvaženoj Gradonačelnici. Ja ću kratko se nadovezati u diskusiji, također pozdraviti konstruktivan prijedlog Nacrta budžeta. Ono što ću ja u javnoj raspravi i tražiti, a evo ovim putem ću i to spomenuti. Naime jedna stavka koja bi se trebala naći u prijedlogu Budžeta naravno ukoliko Služba i Gradonačelnica razmotre i koliko bude finansijska mogućnost dozvoljavala da pronađemo sredstva za Radioteleviziju Bosne i Hercegovine s obzirom da sljedeće godine je 40. godišnjica Zimskih olimpijskih, potreban nam je partner koji će nas u tome svemu pratiti, to nisu prevelika sredstva s druge strane mislim da bi im definitivno pomogli s obzirom da oni imaju dugoročni dugogodišnji problem sa finansiranjem s obzirom da je to državna televizija. S druge strane zamolio bih ako Gradonačelnica i Služba mogu razmotriti potencijalnu mogućnost dodatnog povećanja budžeta za Sarajevo film festival s obzirom da je sljedeće godine 30. godišnjica održavanja samog festivala. Također želim određene finansijske pokazatelje predstaviti, a to je da je budžet Sarajevo film festivala od 2019. do dana današnjeg povećan za skoro dupli iznos znači 2019. iznosio negdje oko četiri miliona sada je on već negdje oko sedam miliona. Uzimajući u obzir da je negdje oko 18 posto njihova institucionalna pomoć, a linearno znači kroz ove četiri posljednje godine se nije institucionalna pomoć povećavala onako kako se budžet povećavao smatram da bi mi kao Grad Sarajevo trebali razmotriti mogućnost povećanja ovog budžeta, ako ne duplo, onoliko koliko se linearno njihov budžet povećao onoliko koliko su mogućnosti Grada Sarajeva, uzimajući u obzir da je sljedeća godina 30. godišnjica SFF-a. Smatram da bi na ovaj način bili dio povećanja njihovog ukupnog budžeta i naravno smatram da trebamo biti dio te priče jer je Sarajevo film festival jedan od najvećih, najboljih brendova grada Sarajeva. Pa eto naravno Gradonačelnica, Služba ako iznađu sredstva mislim da bi bilo zaista dobro da Grad Sarajevo

pokuša također institucionalni budžet povećati i što bolje sljedeće godine obilježiti 30. godišnjicu SFF -a. Gradonačelnice izvolite.

Gradonačelnica Grada Sarajeva Benjamina Karić: Zahvaljujem se uvaženi Predsjedavajući. Prije svega želim da vam se zahvalim za vaš lični angažman i predsjedavanje Organizacionog odbora za obilježavanje 40. godišnjice Zimskih olimpijskih igara. Ja mislim da je Organizacioni odbor sa vama na čelu uradio jedan sjajan posao i da će naši sugrađani uživati u oživljavanju olimpijskog duha naredne godine u Sarajevu, mislim svakako da naravno sav taj program i sav trud uložen mora pratiti adekvatna finansijska konstrukcija kroz budžet tako da u cijelosti podržavam prijedlog koji ste sada rekli. Također po pitanju organizacije Sarajevo film festivala našeg najvećeg, najboljeg filmskog festivala možemo reći i najboljeg regionalnog filmskog festivala svjesni smo da troškovi svih festivala i održavanje svih kulturnih manifestacija značajno rastu, generalno inflacija je velika, naši sugrađani to osjete na svojim potrošačkim korpama i u svim sferama života mi ćemo se zaista potruditi da onoliko koliko možemo damo podršku i potporu kulturi. Kultura je stub našeg društva i tu naša podrška naravno u skladu sa mogućnostima sigurno, sigurno neće izostati. Hvala vam još jednom za konstruktivne prijedloge i za sugestije, zadovoljstvo mi je što imamo ovakvu saradnju.

Predsjedavajući Gradskog vijeća Grada Sarajeva Jasmin Ademović: Zahvaljujem uvažena Gradonačelnice. Sljedeći za riječ se javio vijećnik Girt. Izvolite, imate riječ.

Gradski vijećnik Grada Sarajeva Alen Girt: Poštovanje. Pozdravljam sviju kao i sviju koji nas prate trenutno pošto se prvi put javljam. Želio bi svakako sam podnio i inicijativa, ali evo to je dobra prilika da u okviru ovog razgovora o Nacrtu budžeta za 2024. godinu kažem da u okviru javne rasprave sam podnio inicijativu da se uvrsti novogodišnji koncert Sarajevske filharmonije u formalni program proslave Nove godine koji organizira Grad Sarajevo. Ovakav događaj bi obogatio ponudu Grada Sarajeva i početak i završetak ovog događaja bi bio usaglašen s ostatkom novogodišnjeg programa, a uz tradicionalni koncert u Narodnom pozorištu bio bi organiziran i prijenos uživo na trgu Suzan Sontag besplatno za sve naše građane i turiste grada i mislim da je razgovarali smo i sa direktorom otprilike budžet za ovakvu aktivnost bi bio prema trenutnim troškovima oko 60 000 pa se nadam da će se moći uvrstiti kao standardna odsada kao jedan formalni dio našeg novog novogodišnjeg programa. Hvala.

Predsjedavajući Gradskog vijeća Grada Sarajeva Jasmin Ademović: Zahvaljujem vijećniku Girtu. Gradonačelnica odmah želi odgovoriti. Izvolite imate riječ.

Gradonačelnica Grada Sarajeva Benjamina Karić: Zahvaljujem se uvaženom gradskom vijećniku gospodinu Girtu. Projekat koji vodi Narodno pozorište gospodin Dino Mustafić „Kultura na ulice“ zajedno sa direktorom filharmonije gospodinom Vedranom Tucetom koji zaista fenomenalno rade svoj posao i raduju Sarajke, Sarajlije, Bosance i Hercegovce i sve goste našeg grada želim ovim putem još jednom čestitati na njihovom radu, iskoristit ću priliku da Sarajevskoj filharmoniji na ovaj način i svi zajednički čestitamo sto godina postojanja. Ono što nam je naredni cilj je upravo da za sarajevski doček Nove godine imamo i prijenos koncerta Sarajevske filharmonije iz Narodnog pozorišta koji će također biti postavljen na trgu ispred Narodnog pozorišta. Mislim da je to sjajan prijedlog, mi ćemo ovaj prijedlog uvaženog gradskog vijećnika gospodina Girta podržati i naravno propratiti to finansijski kako i slijedi. Hvala vam.

Predsjedavajući Gradskog vijeća Grada Sarajeva Jasmin Ademović: Zahvaljujem Gradonačelnici. Sljedeći za riječ se javio vijećnik Srđan Srdić. Izvolite, imate riječ.

Gradski vijećnik Grada Sarajeva Srđan Srdić : Zahvaljujem Predsjedavajući. Naravno podržat ću Nacrt kao i svake godine do sada. Iskoristit ću priliku da zamolim Gradonačelnicu jer je i prošle godine izašla u susret što se tiče dječjeg igrališta na prostoru Općine Novo Sarajevo isključivo sad govorim o Novom Sarajevu jer dolazim iz te Općine. Uradili smo jedno igralište, trebali smo i drugo završiti međutim došlo je do jednog spora, a o tom o toj stvari ćemo drugi put razgovarati naravno nećemo kvariti ovo veselo izdanje, nije naravno krivica Gradonačelnice, nego je krivica pojedinaca iz službe u Općini Novo Sarajevo i pojedinih građana koji ne žele igralište, ali eto o tom-potom tako

da ću iskoristi priliku da je zamolim da u Nacrtu planira određena sredstva za određena igrališta na prostoru Općine Novo Sarajevo, isključivo većinom se odnosi na igralište na Kanari na Hrasnom brdu i naravno na igralište u Hrasnom preko puta Komšićevih nebodera i eventualno onaj za igralište na Grbavici iza Konzuma, tako da od tri igrališta minimalno dva igrališta da uzmete u razmatranje da nam pomognete ove godine, ja vjerujem da će i ostale kolege koji dolaze iz vijeća Novo Sarajevo podržati u tome. Eto, podržat ću Nacrt naravno svakako. Zahvaljujem još jednom. Hvala.

Predsjedavajući Gradskog vijeća Grada Sarajeva Jasmin Ademović: Zahvaljujem vijećniku Srdiću. Sljedeća za riječ se javila dopredsjedavajuća ili želite odmah riječ, kako želite. Može. Dopredsjedavajuća Džehverović izvolite, imate riječ.

Zamjenica predsjedavajućeg Gradskog vijeća Grada Sarajeva Mirela Džehverović: Hvala Predsjedavajući. Ja ću isto iskoristi priliku s obzirom da pričamo o Nacrt budžeta ja već treću godinu zaredom tražim da se nađe linija za djecu koja postižu izvrsne rezultate. Iako smo imali neformalni razgovor ja ne želim ovaj da se i ovdje govorim pošto je tu predstavnik iz budžeta da se smanjuje budžet djeci koja primaju odnosno već sada se stipendiraju iz Grada to su djeca sa tačno postoje kriteriji postoji odluka koju smo napravili koja se tiče djece koja postižu izvrsne rezultate pa bih zaista molila da se omogući jedna linija gdje ćemo moći prepoznati i stipendirati takve učenike. Hvala.

Predsjedavajući Gradskog vijeća Grada Sarajeva Jasmin Ademović: Zahvaljujem dopredsjedavajućoj Džehverović. Gradonačelnice imate riječ, izvolite.

Gradonačelnica Grada Sarajeva Benjamina Karić: Zahvaljujem se Predsjedavajući. Ja ću odgovoriti redom. Prije svega hvala uvaženom gradskom vijećniku gospodinu Srđanu Srdiću koji uvijek na poseban način osluškuje potrebe i interese svih građana u Općini Novo Sarajevo. Svaki prijedlog koji je došao uvijek bio izuzetno konstruktivan izuzetno usmjeren prema ljudima. Žao mi je što nismo ispunili naš plan u općini Novo Sarajevo na način kako smo zamislili. Dakle planirana je rekonstrukcija jednog igrališta u ulici Aleja lipa ta rekonstrukcija uspješno završena. Igralište se nalazi u izvrsnom stanju svaki put kada prođem pored igrališta vidim veliki broj djece da koriste igrališta i to me čini zadovoljnom jer je bilo u lošem stanju. Uložili smo oko 200 000 konvertibilnih maraka da se igralište uljepša, da se vrati zaista u svoju namjenu bilo praktično neupotrebljivo. Međutim pored samog igrališta u rekonstrukciji igrališta u ulici Aleja lipa mi smo imali prijedlog izgradnje jednog novog igrališta koji nažalost nije realiziran jer je pokrenut upravni spor zbog zbog samog prostora, međutim to nas neće zaustaviti da uradimo upravo ovako kako ste vi rekli. Dakle mi smo već i u Nacrtu budžeta predvidjeli iznos za izgradnju igrališta tako da ćemo, mi ne odustajemo ne možemo uraditi jedno igralište imamo određene sporove idemo na sljedeće, tako da ću vas ja zamoliti samo budući da vi odlično poznajete svaki milimetar u Općini da mi date prijedlog koja ćemo igrališta rekonstruirati, već sam čula dva prijedloga pa ćemo onda to zajednički realizirati. Hvala vam još jednom. Zahvaljujem se uvaženoj dopredsjedavajućoj na inicijativi. Dopredsjedavajuća već od početka mandata zaista radi na nagrađivanju izvrsnosti i to nije samo slučaj kada se govori o izdvajanju, napominjem samo nedavnu inicijativu gospođe Džaferović koja je realizirana, nagrađeni su naši najbolji matematičari budući da sama dolazi iz akademskog svijeta akademske zajednice posebno prepoznaje izvrsnost bilo bi dobro kada bi cjelokupno društvo zaista konačno krenulo u tom pravcu. Na tom tragu mi ćemo upravo u ovom Budžetu usvojiti vašu inicijativu i predložiti ćemo da se dio sredstava za stipendije zaista uputi djeci sa izvrsnim rezultatima u različitim oblastima. Hvala još jednom na ustrajavanju na ideji na inicijativi.

Predsjedavajući Gradskog vijeća Grada Sarajeva Jasmin Ademović: Zahvaljujem Gradonačelnici. S obzirom da nemamo više prijavljenih, ima, izvinjavam se vijećnik Orozović. Izvolite imate riječ.

Gradski vijećnik Grada Sarajeva Ratko Orozović: Ja bih podržao u svakom slučaju jači budžet jača je i ona kulturna strana ovog grada. Posebno me raduje to da će koncert ovogodišnji biti omogućeno i da ona srednja klasa koja nije više u modi da i ona ima jedan dio a ne samo folk narod nego i ovaj dio koji voli ozbiljnu muziku. Hvala vam za takvu i podržat ću svake godine takvu jednu inicijativu.

Predsjedavajući Gradskog vijeća Grada Sarajeva Jasmin Ademović: Zahvaljujem vijećniku Orozoviću. Sljedeći za riječ se javio vijećnik Stevanović. Izvolite.

Gradski vijećnik Grada Sarajeva Dragan Stevanović: Zahvaljujem Predsjedavajući. Na fonu onoga što uvažene kolege govore podržavajući naravno Nacrt budžeta Grada Sarajeva sa svim dodatnim prijedlozima ja molim u Odluci o usvajanju Nacrta budžeta i upućivanju na javnu raspravu da posebno i decidno naglasimo da se Budžet upućuje i općinskim vijećima četiri gradske općine sa prijedlogom za mišljenje, prijedloge za eventualne zajedničke aktivnosti u finansiranju posebnih programa u općinama u skladu sa predloženim Budžetom Grada.

Predsjedavajući Gradskog vijeća Grada Sarajeva Jasmin Ademović: Zahvaljujem vijećniku Stevanoviću. Gradonačelnice izvolite, imate riječ.

Gradonačelnica Grada Sarajeva Benjamina Karić: Zahvaljujem se uvaženom Predsjedavajućem, zahvaljujem uvaženom gradskom vijećniku gospodinu Ratku Orozoviću. Mi ćemo zaista raditi sve što možemo kako bi povećali broj kulturnih dešavanja posebno u našoj Vijećnici. Koncert klasične muzike su još nešto što bi trebalo imati mnogo češće recimo ne samo kada su obilježavanja nekih značajnih datuma. Do sada smo to obično prakticirali organizaciju koncerata za 9. maj kao Dan pobjede, Dan Evrope, ali svakako to mora biti češće. Samo ću se još osvrnuti na kratko. Ove godine povodom obilježavanja 25. novembra Dana državnosti Bosne i Hercegovine imali jedan prekrasan koncert u Vijećnici pod nazivom „Sazvučja“. Reakcije naših sugrađana su bile odlične i s tim u vezi ovo što govori gospodin Ratko itekako trebamo svi primijeniti i ja ću sa svojom Službom za kulturu, obrazovanje i sport raditi na ovom. Hvala vam gospodine Orozoviću. Uvaženi dr. Stevanović hvala vam za vašu sugestiju, poslušati i unijeti u naš Nacrt budžeta Grada Sarajeva će biti dostavljen svim općinama u sastavu Grada Sarajeva kako bi oni dali svoje prijedloge. Ja bih voljela da se ovakav vid saradnje i ovakva podrška kakvu grad, bez obzira na pa čak i tri puta manji budžet nego pojedine općine, mi zaista dajemo veliku podršku općinama i općinskim projektima rijetko kad koji projekat da smo odbili, voljela bi da to bude nekako dvostran odnos i nadam se da će upravo što će uraditi uz podršku vijećnika koji su ujedno i gradski i općinski vijećnici uroditi nekim plodom i boljom saradnjom. Vi ste zapravo svjedoci da ovo Gradsko vijeće i ova Gradska uprava nikada nije vodila računa, nije obraćala pažnju o stranačkoj pripadnosti o bilo čemu, dakle mi podržavamo projekte koji su dobri i kvalitetni za ljude i tako će i ostati, ali opet ponavljam voljela bih da imamo malo veću i jaču podršku samih općina. Hvala.

Predsjedavajući Gradskog vijeća Grada Sarajeva Jasmin Ademović: Zahvaljujem uvaženoj Gradonačelnici. Dopredsjedavajuća želi riječ. Izvolite.

Zamjenica predsjedavajućeg Gradskog vijeća Grada Sarajeva Mirela Džehverović: Hvala Predsjedavajući. Upravo na tom fonu draga Gradonačelnice ja sam podnijela inicijativu insistirala sam kada je bio Nacrt budžeta Općine Novo Sarajevo da se dobre prakse rekonstrukcije i restauracije austrougarskih zgrada prenesu na Općinu Novo Sarajevo. Insistirala sam na tome da se obezbijede sredstva za četiri zgrade koji imamo na području Novog Sarajeva, ja se iskreno nadam da će načelnik da je vidio koliko je važno i ovo što se radi u gradu kako to ima odličan odjek. I zaista mislim da će ostati taj novac pa ćemo moći dole prenijeti rekonstrukciju tih zgrada. To je jedan vid saradnje upravo ovo o čemu vi govorite.

Predsjedavajući Gradskog vijeća Grada Sarajeva Jasmin Ademović: Zahvaljujem dopredsjedavajuća Džehverović. S obzirom da više nemamo prijavljenih za raspravu ja zaključujem raspravu te prelazim na glasanje. Konstatujem da će se primjedbe, prijedlozi i sugestije gradskih vijećnika iznesene na današnjoj sjednici razmatrati kao prilog javnoj raspravi. Pozivam sada gradske vijećnike da se izjasne o predloženom zaključku kojim Gradsko vijeće grada Sarajeva razmatrani Nacrt budžeta grada Sarajeva za 2024. godinu upućuje u javnu raspravu kako je to u zaključku i predloženo. Konstatujem da je Gradsko vijeće grada Sarajeva sa 22 glasa "za" nula „protiv“, nula „suzdržanih“, jedan vijećnik nije glasao usvojilo zaključak kojim Gradsko vijeće Grada Sarajeva razmatrani Nacrt Budžeta Grada Sarajeva za 2024. godinu upućuje u javnu raspravu kako je u zaključku i predloženo.

Tačka 29.

Nacrt Odluke o izvršavanju Budžeta Grada Sarajeva za 2024. godinu.

Predlagač materijala je Gradonačelnica. Materijal je razmatrao Odbor za budžet i finansije, Administrativna komisija, Komisija za Statut i akte. Da li je potrebno uvodno izlaganje? S obzirom da nije, otvaram raspravu. Zaključujem raspravu. Prelazimo na glasanje. Pozivam gradske vijećnike da se izjasne o predloženom zaključku kojim Gradsko vijeće Grada Sarajeva razmatrani Nacrt Odluke o izvršavanju Budžeta Grada Sarajeva za 2024. godinu upućuje u javnu raspravu kako je to u zaključku i predloženo. Možete glasati. Konstatujem da je Gradsko vijeće Grada Sarajeva sa 21 glasom „za“, nula „protiv“ i nula „suzdržanih“ usvojilo zaključak kojim Gradsko vijeće Grada Sarajeva razmatrani Nacrt Odluke o izvršavanju Budžeta Grada Sarajeva za 2024. godinu upućuje u javnu raspravu kako je u zaključku predloženo.

Stav predlagača:

Odgovori gradskih službi na pitanja gradskih vijećnika Grada Sarajeva:

Također sve primjedbe, prijedlozi, mišljenja i sugestije iznesene u diskusijama radnih tijela Gradskog vijeća i gradskih vijećnika, na sjednici Gradskog vijeća Grada Sarajeva, tretirao se kao prilog javnoj raspravi. U skladu sa navedenim sastavni dio javne rasprave je i izvod iz stenograma 33. redovne sjednice Gradskog vijeća Grada Sarajeva održane 29.11.2023. godine na kojoj je razmatran Nacrt Budžeta za 2024. godinu i u toku koje su vijećnici Gradskog vijeća Sarajeva dali svoje prijedloge i sugestije na Nacrt Budžeta Grada Sarajeva za 2024. godinu i Nacrt Odluke o izvršavanju Budžeta Grada Sarajeva za 2024. godinu.

U toku rasprave na Nacrt Budžeta Grada Sarajeva na skoro sva postavljena pitanja i predložene prijedloge, gradonačelnica je u svojim obraćanjima dala odgovore. Također određene inicijative koje su podnesene u toku rasprave na Nacrt budžeta su sadržane i u dostavljenim prijedlozima na Nacrt budžeta koji su došli ispred Gradskih vijećnika i političkih subjekata, a po kojima je predlagač već iznio svoje stavove, te iste nema potrebe da ponavlja u ovom dijelu izvještaja o javnoj raspravi.

Na Nacrt Odluke o izvršavanju Budžeta Grada Sarajeva za 2024. godinu nema primjedbi.

Nakon uvida i detaljne analize prijedloga i sugestija dostavljenih u toku trajanja javne rasprave na Nacrt Budžeta Grada Sarajeva za 2024.godinu, evidentno je da se većina prijedloga i sugestija odnosi na zahtjeve za povećanje sredstava na postojećim budžetskim stavkama, ali i na zahtjeve za planiranje novih finansiranja iz budžeta. Povećanjem ukupno raspoloživih sredstava u Prijedlogu Budžeta Grada Sarajeva za 2024. godinu za 1.025.000 KM, izvršena su povećanja postojećih budžetskih pozicija i uvrštavanje novih pozicija, u skladu sa prijedlozima i sugestijama upućenim u toku trajanja javne rasprave od strane vijećnika Gradskog vijeća i svih ostalih učesnika u javnoj raspravi.

Tabelarni pregled uvećanja i umanjenja u Prijedlogu Budžeta Grada Sarajeva za 2024. godinu u odnosu na Nacrt Budžeta Grada Sarajeva za 2024.godinu:

Potrošna jedinica	Ekon.kod	OPIS	Nacrt Budžeta Grada Sarajeva za 2024	Prijedlog Budžeta Grada Sarajeva za 2024	Izvor 10 (budžetska sredstva)	Razlika Prijedlog / Nacrt +/-
			1	2 (3+4+8+9)	3	
		Budžet Grada Sarajeva				
		I UKUPNO TEKUĆI IZDACI ORGANA UPRAVE (611000+612000+613000)	7.882.100	8.187.100	7.987.100	305.000
	611000	Plaće i naknade troškova zaposlenih	4.194.000	4.394.000	4.394.000	200.000
10010003	6111	Bruto plaće i naknade plaća	3.700.000	3.900.000	3.900.000	200.000
	612000	Doprinosi poslodavca i ostali doprinosi	420.000	450.000	450.000	30.000
10010003	6121	Doprinosi poslodavca	420.000	450.000	450.000	30.000
	613000	Izdaci za materijal, sitan inventar i usluge	3.268.100	3.343.100	3.143.100	75.000
	613900	Ugovorene i druge posebne usluge	2.543.100	2.618.100	2.418.100	75.000
10010001	6139	Posebna naknada za podsticanje rehabilitacije i zapošljavanje osoba sa invaliditetom	0	20.000	20.000	20.000
10010001	6139	Stručne i ostale ugovorene usluge	53.000	68.000	68.000	15.000
10010011	6139	Izdaci po osnovu drugih samostalnih djelatnosti i povremenog samostalnog rada (naknade gradskim vijećnicima i rad komisija)	520.000	550.000	550.000	30.000
10010011	6139	Izdaci za poreze i doprinose na dohodak (gradskim vijećnicima i rad komisija)	140.000	150.000	150.000	10.000
		II UKUPNO TEKUĆI TRANSFERI (614000)	7.364.400	7.894.400	7.653.400	530.000
	614000	TEKUĆI TRANSFERI I DRUGI TEKUĆI RASHODI	7.364.400	7.894.400	7.653.400	530.000
	614100	Tekući transferi drugim nivoima vlasti i fondovima	1.075.000	1.265.000	1.165.000	190.000
10010004	6141	Pomoć drugim JLS u BiH	100.000	150.000	150.000	50.000
10010004	6141	Biblioteka za slijepa i slabovidna lica u BiH	0	150.000	150.000	150.000
10010007	6141	Obilježavanje godišnjice ZOI 84	30.000	0	0	-30.000
10010007	6141	Financijska podrška projektima ustanova kulture, institucija kulture od značaja, muzeja i pozorišta sa područja Grada Sarajeva - Javni poziv	170.000	190.000	190.000	20.000
	614200	Tekući transferi pojedincima	372.400	422.400	422.400	50.000
10010007	6142	Nagrade za učenike srednjih škola za ostvarene rezultate na takmičenjima iz predhodne školske godine - javni poziv	0	50.000	50.000	50.000
	614300	Tekući transferi neprofitnim organizacijama	2.529.000	2.769.000	2.769.000	240.000
10010002	6143	Podrška projektima dobrovoljnih vatrogasnih društava na području gradskih općina	50.000	55.000	55.000	5.000
10010002	6143	Udruženje za podršku i promociju jevrejske kulture, tradicije i turističkih potencijala Hagada	0	5.000	5.000	5.000
10010002	6143	Udruženje Kaili Sara Romski informativni centar Sarajevo	0	5.000	5.000	5.000
10010002	6143	Udruženje za očuvanje i promociju rok muzike Ex – Y u Rock Society	0	5.000	5.000	5.000
10010004	6143	Pomoć udruženjima za zaštitu životinja	0	10.000	10.000	10.000
10010004	6143	Podrška udruženjima za provedbu projekata za unapređenje turizma - javni poziv	0	40.000	40.000	40.000
10010004	6143	Podrška udruženjima socijalnog i humanitarnog karaktera - Javni poziv	220.000	235.000	235.000	15.000
10010005	6143	Dani opsade Grada Sarajeva po Odluci gradskog vijeća	50.000	80.000	80.000	30.000
10010007	6143	Primjena Odluke o utvrđivanju i načinu sufinansiranja kulturnih manifestacija od posebnog interesa za Grad Sarajevo	150.000	160.000	160.000	10.000
10010007	6143	Podrška razvojnog sportu - Javni poziv organizacijama u sportu sa područja Grada Sarajeva	220.000	230.000	230.000	10.000
10010007	6143	Nagrade za ostvarene vrhunske sportske rezultate (pojedinačne/ klupske)	50.000	60.000	60.000	10.000
10010007	6143	Olimpijski komitet BiH	0	40.000	40.000	40.000
10010007	6143	Podrška udruženjima penzionera	0	10.000	10.000	10.000
10010007	6143	Institut majka i djele	0	10.000	10.000	10.000
10020010	6143	Primjena Odluke o uslovima i postupku prihvatanja pokroviteljstva Grada Sarajeva	150.000	185.000	185.000	35.000
	614400	Subvencije javnim preduzećima	3.303.000	3.353.000	3.212.000	50.000
10010006	6144	Održavanje komunalnih objekata	520.000	570.000	429.000	50.000
		III UKUPNO KAPITALNI TRANSFERI (615000)	3.000.000	3.175.000	3.050.000	175.000
	615000	KAPITALNI TRANSFERI	3.000.000	3.175.000	3.050.000	175.000
	615100	Kapitalni transferi drugim nivoima vlasti i fondovima	3.000.000	3.175.000	3.050.000	175.000
10010004	6151	KJU Gerontološki centar Sarajevo	0	10.000	10.000	10.000
10010004	6151	KJU Dom za socijalno zdravstveno zbrinjavanje osoba sa invaliditetom i drugih osoba Nehorevo	0	30.000	30.000	30.000
10010004	6151	Zavod za zdravstvenu zaštitu radnika u saobraćaju Sarajevo	0	10.000	10.000	10.000
10010006	6151	Projekti obnove predškolskih i školskih objekata i infrastrukture	1.500.000	1.625.000	1.500.000	125.000
		V UKUPNO NABAVKA STALNIH SREDSTAVA (821000)	147.000	162.000	162.000	15.000
	821000	Izdaci za nabavku stalnih sredstava	147.000	162.000	162.000	15.000
	821300	Nabavka opreme	80.000	95.000	95.000	15.000
10020010	8213	Nabavka opreme - kompjuterska i druga elektronska i fotografska oprema	60.000	75.000	75.000	15.000
		Ukupno	19.635.500	20.660.500	20.094.500	1.025.000